





215⁰⁰

Vind 706
Cat. Dijksterbeke II 2554.








Ordenliche Beschreibung der

Fürstlichen Hochzeit / die da gehalten ist worden /
durch den Durchleuchtigen Hochgebornen Fürsten vñnd Herrn /
Herrn Wilhelm Pfaltzgraf beim Rheyn / Herzog inn Obern vñnd
Nidern Bayern ꝛc. Mit dem Hochgebornen Fräwlin Renatta /
geborne Herzogin auß Puttringe / den 21. tag Februarij / des 1568.
Jars / inder Fürstlichen Statt München / Vñnd an die Kaiserliche
Majestet geschriben / Vñnd dem Hohermelten Fürsten vñnd Herrn /
Herrn Herzogen Wilhelm ꝛc. Auch dem Hohernamitem Fräwlin
Renatta / vñnd irer beider freündtschafft / zu hohen ehren / in teütsche
Carmina gestellt / durch Hainrichen Wirre / Teütscher Poet /
vñnd Obrister Püttschenmaister inn Österreich / vñnd
Burger auff der Zell / inn der Herz
schafft Gleys / an der
Ops gelegen.

Hierinn wirt auch begriffen / alle Fürsten / Grauen /
Freien / Herren / Rittern vñnd Edlen / mit irem Namen vñnd
Stammen / Desgleich wie starck ain yeder ankommen /
mit sampt aller zier / Es sey Einritt / Kirchgang /
Maalzeit / Schänckung / Tänzen / Thur-
niern / vñnd andern Ritterspielen /
was sich die zeit der Hoch-
zeit verlauffen
hat.

Mit Kaiserlicher Majestet Gnaden vñnd Freyhait /
nicht nachzutrucken verboten.

Getruckt zu Augspurg durch
Philipp Vlhart.





Rossmächtiger / Durchleuchtiger /
Unüberwindlicher Kaiser / Aller gnädigster
Herz / Es ist mein ganz vnderthänig vnnnd gehorsam-
mst bitt / an Ewer Kaiserliche Maiestet / vmb gna-
digste günstigste verziehung / das ich mich mit
diesem Bütch so lang gesaumt / vnnnd dasselbig Ewer Kaiserlichen
Maiestet nit eh vnderthenigst überantwort / zaig ich vndertheni-
gist an mein vnschuld / Nach dem mich das wetter sehr verhindert /
das ich etliche tag zu spat gen München kommen / vnd nicht alles
künden sehen / ist mir ain grosse hinderuiss gewesen / hab auch ver-
mamt / nach dem so vil vnd mancherlay / von allen Stenden vnnnd
Nationen / vil geleerter vnderfarnen personen (dann Ich bin) ver-
handen / es wurd nicht fahlen / es wurd mir ain anderer vor kom-
men / der der Poeteren besser (dann ich) vnderricht wer / Nach dem
ich aber gesehen vnd verstanden / das niemandt verhanden / hab ich
nit vmbgehn künden / solche Christliche / Hochlöbliche vnd Fürst-
liche Hochzeit / mit sambt Fürstlicher Jier / Kirchgäng / Thurnier /
vnd andern Ritterspiln / so sich die zeit der Hochzeit / zugetragen vñ
verlauffen / zu dem ainfältigsten / zu schreiben / vnnnd inn Teütsche
Garmina zubringen / vnd die selbigen (nach dem ich sy des Durch-
leuchtigen Hochgebornen Fürsten vnd Herrn / Herrn Albrechten /
Pfalzgraf beim Rheyn / Herzog in Obern vñ Nidern Bayern re-
cht hat lassen besehen / auch von inen / im namen des Hochge-
dachten Fürsten gnügsamlich verehrt) Ewer Kaiserlichen Maie-
stet vnderthänigst vnd gehorsamst überantworten / Bitt hienebend
vnderthänigst Ewer Kaiserliche Maiestet / auch andere Fürsten /
Grauen / Freyen / Herren / Ritter vnd Edlen / Auch was würden
oder stands ain neder sen / vmb gnädigste günstigste verziehung /
wo ich (wie dan leichtlich geschehen ist) zu vil oder wenig / in meine
Garmina gesetzt / auch nicht ain neden nach seinem Stammen oder
Namen recht genendt / oder etlicher gar vergessen / das mit willen
nit geschehen / ob ich gleich fleissig gefragt / fürcht ich nit wol müg-
lich sein / das vnter so vil Hohermelten Fürsten / Grauen / Herren /
Ritter vnd Edlen / nicht etwan aines vergessen / oder zu dem weni-
gsten wie gemeldt / von seinem Stammen oder Namen recht ge-
nendt / Ich hab fleiß vnd arbeit nicht gespart / so ferz mir müglich /

Gescheind mir auch auß fürbitt des Volgebomen Herren/Herren
Erichmar von Rosenstain/ Herz inn der Schwend/ Kaiserlicher
vnd Königlich Maiestet Rath/ vnd neß auff der Hochlob-
lichen Fürstlichen hochzeit zu München/ der Hochgebomen Fra-
wen/ Frau N. Königin zu Poln gesandter/ alle Güter vnd Furier
zedel zugestellt worden/ vnd fleißig übersehen/ Bitt derhalb Ewer
Kaiserliche Maiestet/ Auch andere Hohermelte Fürsten vñ Her-
ren/ voranden Durchleuchtigen Hochgebomen Fürsten vnd Her-
ren/ Herrn Albrecht/ Pfaltzgraf beim Rheyn/ Herzog in Obern
vnd Nidern Bayern ꝛc. den Preütigam/ Herzogen Wilhelm ꝛc.
sein geliebten Sun/ solliche meine (wie obgemeldt) klainsüße
Garmina/ vnd ainsfältige Beschreibung/ als von ainem
schlechten Poeten vnd Prütischenmaister/ Ewer
Kaiserlichen Maiestet vnderthäniger
williger vnd gehorsamer
Diener genädigst
annehmen.

Ewer R. M.

vnderthänigster

Nathrich Wirtz.

Disco

Dieses Wappenschar du hie an/
 Es gibt dir gründelich zu verstan.
 Herzog Albrecht Pfalzgraf beim Rhein/
 Oberrn vnd Nidern Bairn ist sein.
 En begeren kains andern Herrn/
 Dann sy werden in hohen ehren.
 Von diesem Fürsten geregirt/
 Auch wol gehalten wie gebürt.
 Des hat im Gott sein gnad gethan/
 Laßt im sein Stam nit vndergan.
 Vnd so Er in beruffet gleich/
 Zu ime in sein Ewig Reich.
 So ist das Land dennocht verfehrt/
 Von seinem Stammen muß ich sehn.
 Des er sich höchlich frewen mag/
 Bis an sein end vnd letzten tag.



Dieses Wappenschau du auch gleich/
 Das für das hauß von Osterreich.
 Darauf Frau Anna hochgeborn/
 Ain Fürstin ist vnd außerkorn.
 Der frumme Kaiser Ferdinandt/
 Ir liebster Vatter höchst erkandt.
 Ir Mütter muß ich reden das/
 Ain Königin auß Vngern was.
 Weytter solt du mercken eben/
 Zu ain Emahel ward sy geben.
 Herzog Albrechten hoch genandt/
 Pfaltzgraf beyin Rheyn im Bayerland.
 Ain Fürst wie ich vor hab anzeigt/
 Zu der ghechtigkait allzeyt gnaigt.
 Des wirt im Got nach disem lebn/
 Sampt der Fürstin das ewig gebn.




Dieses

Dieses Wappen von altem Stam/
 Zeiget dir an den Preütigam.
 Herzog Wilhelmen außerkorn/
 Von Herzog Albrechten geborn.
 Auch von der Fürstin tugentreich/
 Geborn wie ghandt auß Osterreich.
 Von hohem Kaiserlichem Stam/
 Von dem man nix nichts arge vernam.
 Got der Herr der wöll im geben/
 Starcken frid vnd gnad darneben.
 Das Er erhalt seins Vattern land/
 Vor Tirannen vnd seindes hand.
 Vnd auch von im gar vnbeschwert/
 Diser Fürslich Stam werd gemert.
 Dañ von Got ist es ain gab sehr güt/
 Was sich ain Stam recht mehren thut.



Du sihest hie vor augen ston/
 Ain Fürstlich Wappen wol gethon.
 Das zaigt hie an zu diser frist/
 Die Braut Renatta die da ist.
 Auß Luttringen so hochgeborn/
 Zu ainem Emahel außerkorn.
 Herrhogen Wilhelm hochgenandt/
 Got geb in glück ia beden sandt.
 Das dy mögn im Ehlichen stat/
 Daran dan Got ainig fallen hat.
 Leben regiern ain lange zeite.
 Vnd auch daria höchlich erfreut.
 Mit jungen Fürsten fräwlin reich/
 Das ir stammen bleibewigleich.
 Hie auff erden in diser zent/
 Darnach in ewigr sälligkeit.



S Ken Löwen sichst du hie wol ston/
 In diesem Wappen wol gethon.
 Die seind lustig vnd darzu stark/
 Das Königreich wol auß Denmarck.
 Hat Sy gefürt von alter her/
 Dardurch es auch gezieret war.
 Frau Christiana ist drauß gborn/
 Der Braut mütter hoch auß erkorn.
 Vnd alnem Fürsten merck eben/
 Auß Luttering zum Smahel geben.
 Beydem Sy dann hat vn betrogn/
 Renata die Fürstin erzogn.
 In hohen ehren worden alt/
 Der Herre Got mit seinem gwalt.
 Erhalte Sy in seiner gnad/
 Auß Erden ist Sy niemandt schad.



Schar das Wappen mit ganzem fleiß/
 Es ist rot gelb vnd darzu weiß.
 Das zaigt an dir on allen schaden/
 Ain hochgeborn Fürstin von Badn.
 Herzog Albrechten Mütter zwar/
 Des Freütgams Anfratw das ist war.
 Die hat Got durch sein gnad vnd gewalt/
 In hohen ehin lon werden alt.
 Dainn Sy sich allzeit der armen/
 Gnädigklich hat thän erbarmen.
 Des wirt Sy Got lassen sehen/
 Mir zweyfelt nit es soll gschehen.
 Die dritten Kinder fürstlich bheüt/
 Darinn Sy wirt gar hoch erfreüt.
 Got der Herr wirt jr gewiß geben/
 Nach disem das ewig leben.




Ferdinandus

Erdinandus ain junger Heldt/
 Dem ich hie hab zu ehren gestellt.
 Difes Wappen Fürstlich geziert/
 Wie es sein lieber Vatter fiert.
 Des ain Fürst sich nit darffschamen/
 Löw vnd Wegfen schön mit namen.
 Got erhalte das jung Fürstlich blät/
 Geb jm krafft stercck verstand vnd mät.
 Dem Vatterland zu ehre vnd nutz/
 Vnd dem feind zu neyd vnd auch trutz.
 Erhalte in durch dein Namen drey/
 Mit deiner gnad so won jm bey.
 Als arge vom jungen Fürsten fer/
 Das ganze land hat sein ain ehr.
 Dann in ain Land es gar wol stat/
 Wa es so frumme Fürsten hat.



Die Römisch Päpſtlich Heiligkeit/
Fürt das Wappen ain lange zeite.



Von Rom Päpſtlicher heiligkeit/
Ain Gſandter war gar wol bereit.
Biſchoff von Augſpurg Cardinal/
Vnd der erſte in diſer zal.

Der doppel Adler zaller zeit/
Gehört dem haupt der Christenheit.



Die Kaiserliche Maiestet/
Ire Gsanden auch dar schicken thet.
Den Teütschen Kaiser von Mergnthal/
Der ander gnannt in diser zal.

B iii Das

Das Küniglich Wappen hört in rhi/
Künig Philipp auß Spanien zu.



Künig Philipps auß Spanien reich/
Hat da jr Gsandten auch gleich.
Ein Edlen Grauen wolgeborn/
Genandt Graf Carl von hohen Zorn.

Das

Das Wappen laßt sich schawen woln/
Es ghört der Künigin auß Poln.



Herr Dietmar gnanet von Rosenstain/
Herr in der Schwend gefrent ich main.
Es ander der Künigin auß Poln/
Vnd jr beuelch außghrichtet woln.

Das

Das schöne Wappen wol erkandt/
Ghört dem Erzhertzog Ferdinande.



Ein lobliche Fürst auß Österreich/
Zinn Schwaben vnd Tyrol desgleich.
An dem Rheyne Burgund vnd Etschland/
Ist gewesen personlich verhand.

Df

Diß Wappen gehiert also wol/
 Gehört dem Erzhertzog Carol.



Alm Fürst wirt gnannt Hertzog Carol/
 Hab ich personlich gesehen wol.
 In Steyr Kärndten Krain des gleich/
 Alm Erzhertzog zu Österreich.

Das

Das sechste Wappen in der zal/
Fürst von Augspurg der Cardinal.



Wie ich dahn vor hab angezeigt/
Sont die so Hochwürdigkeit.
Bischoff von Augspurg in der zal/
Der zwelfffen amr am Cardinal.

Dise

Diser Löwen lustig vnd fein/
Gehört dem Churfürsten am Rheyne.



Pfalckgraf an dem Rheyne wol erkandt/
Hat sein Vortschafft auch hin gesandt.
Fridrich von Limburg wais ich wol/
Darumb ich in hie nennen sol.

C ij Der

Der Churfürst von Sachsen der fürst/
Dises Wappen so schön geziert.



Hertzog Augustus ain Churfürst/
Den allezeit nach Ehren dürtst.
Hat sein Botschafft auch hin gesandt/
Graf Günther von Schwarzenburg gmandt.

Zu Newmarckt siht ain Fürst in güt/
 Dießes Wappen stücken thut.



Fraw Dorothe on allen zorn/
 Ain Königin auß Denmarckt gborn.
 Ist selbs da gweßt in hehen ehun/
 Vnd auch mit jr vil ander Herren.

G III Bischöfliche

Bischöfliche Hochwürdigkeit/
Von Salzburg ist diß Wappen gnaige.



Bischoff von Salzburg was bereit/
Vnd auch mit jr Hochwürdigkeit.
Vil ander Herrn Ritter vnd knecht/
Gantz wol gerüfset war nit schlecht.

Dies

Dieses Wappen schaw auch hie an/
 Herzog von Gülches siren kan.



Herzog zu Gülch vnd Geller land/
 Hat auch sein Botschafft hin gesandt.
 Dit von Byland ich redendas/
 Zerg von Ramberg da bey im was.

Das

Das Wappen das also quadriert/
Herzog von Wirttemberg es fiert.



Von Wirttemberg Herzg Eberhart/
Von seim Herren Vatter gstandt ward.
Vnd sich da ghalten also wol/
Das ich in billich loben sol.

Schaw

Schaw das Wappen on allen schaden/
Es fürts der Fürst Marggraf von Baden.



Der Fürst und Marggraf von Baden/
Hat gesandt on allen schaden.
Vn ehlich Botschafft wol erkandt/
Herr Ulrich Langenmantel gnandt.

D Vm

Ein hoch vnd wolgeb'ner Fürst/
Den allezeit nach ehren dürst.



Bischoff zu Freysing wie gebürt/
Gehört das Wappenschön geziert.
Was selbst verhand wol zu der frist/
Des Breitigams rechter brüder ist.

Der

Der Herzog von Florenz so reich/
Führt dieses Wappen sag ich Euch.



Troilus Vsinus merck mich recht/
Ein Römer gar ain alt geschlecht.
Ward von Florenz da außgesandt/
Von München in das Bayerland.

D ii Dffen

Disen Zederbaum schön vnd grien/
Fürt die loblich Statt Augspurg hien.



Die loblich Statt Augspurg im Reich/
Sandt auch ir Botschafft also reich.
Herr Peütinger ist Er genandt/
Statthalter vnd gar wol erkandt.

Das

Das schöne Wappen rot und weiß/
Fürt Nürnberg mit gantem fleiß.



Nürnberg die lobliche Statt/
Iren Gesandten auch da hatt.
Jerg Volkamair ist Er genandt/
Am Eoler Herr vnd wol erkandt.

D iii Hernach

Hernach so thünd gemalet stan/
Der gstandten Wesen wol gethan.



Das aller Erste in der zal/
Fürst von Augspurg der Cardinal.

Schau

S. hau an das Wappen wol getiert/
Der Teütsche Maister es da fiert.



Die Kaiserliche Maiestat/
In auff die Hochzeit schicken thet.

Am

Ein Edler Graf von hohen Zorn/
Des ist diß Wappen außerkorn.



Der grosse Künig also reich/
Aus Hispania sandt in gleich.

Herz

Herr Dietmar Freyherr zu Pöfustain/
 Ain Gesandter als ich vermain.



Der zarten Königin auß Poln/
 Kaiserlich Maistat Rhat traiff ich woln.

E Churfürst

Churfürst genandt röl an dem Rhenz
 Hat gesendet sein Botschaft sein.



Ein Freyer herr von Limburg güte
 Dem dises Wappen hören thut.

Von Schwarckenburg ain Graffso reich/
Dem höret zu diß Wappen gleich.



Herzog Augustus wol erkandt/
An jr statt in gen München gsandt/

E H Herr


Dit von Byland te nenn ich wol/
Aln ghandter ider ich sagen sol.



Von Gölch vnd nach Fürstlichem sitt/
Ein Wappen mir er lant ist nit.

Am

Ein Fürst genandt Marggraf von Baden
Ist Fürstlich gnad on allen schaden.



Er hat sein ehelich Vorschefft gsandt/
Ist Ulrich Langenmantel ghandt.

Troilus Bisinus merck mich recht/
Ein Römer gar ain alt geschlecht.



Ward von Florenz da aufgesandt/
Gen München in das Bayerlande.

Herr Peütinger zu diser frist/
Statthalter Er zu Augspurg ist.



Früm trew auffrecht weiß vnd gerecht/
Fürt dises Wappen von sein gschlecht.

Hieronymus

Hieronymus ist in Hof ghaimer Xhat/
Zu Augspurg in der bhrümbten Statt.



Führt dises Wappen also schon/
Wie man hie sieht vor augen ston.

Das

Das halbe Rad vnd Gilgen schon /
Gehört ain Herren wol gethon.



Jerg Volkamer ist Er genandt /
Zu Nürenberg gar wol erkandt.

Ves geschach vmb Osterliche zeit/
 Das mir da ward mein hertz erfreut.
 Ich gieng in dem Aprillen/
 Spazieren mit andern gellen.
 Auß der Statt in das griene gras/
 Vom Morgen that was es noch naß.
 Die Sonn scheyn her mit irem glantz/
 Vertrib das Thawß gar vnd ganz.
 Vnd ward vns allen sam. nend haß/
 Das von vns ran der nasse schwaß.
 Wir sahen gar ain schöne Wald/
 Nach dem wir allsand eynten bald.
 Vnd giengend in den Wald hinnein/
 Wichend der haussen Sonnen scheyn.
 Wir kamend auff ain schöne Straß/
 Wie ag durch den Wald in güter maß.
 Ain Edler Herr reynt gen vns her/
 Als obs ain Commissari wer.
 Er was gar alt von har vnd bart/
 Ganz weiß vnd frum von rechter art/
 Vnder vns ain junger Edlman/
 Redt den alten g. r. freündtlich an.
 Vnd sprach Er solt in me. eken recht/
 Er wer von gutem Edlen giblecht.
 Das hab ain Wappen lang gefürt/
 Vnd seye aber nit quartiert.
 Er bat gar vnderth knigklich/
 Vnd sprach mein Herr ich mich versich.
 Mein Wappen soll mir werden ziert/
 Mit schön. en farben vnd quartiert.
 Der alt der sprach zaig mir den ring/
 Das thet der junge held so ghing.
 Bot indem alten auff das Ross/
 Den selben warlich nit verdross.
 Vnd auff sein Kells da zu hand/
 Ain Schreibzeug vnd Papi Er fand.
 Vnd schreib gar ey. eadts vnd geschwind/
 Die Be. ß hernach geschriben sind.

Des

Des Alten vers.

Gott hab du lieb/ In seinem wort/ In gherechtigkeit/ Hab tugent lieb/ Biß frum vñ milt/ Rain stoltz nit treib/	} und	(dich stehts neb. far auch fort. nit in neyd. niemandt betrieb. niemandt schilt. hochsart meynd.)
---	-------	--

Nüren vermaynd/ Du nit beger/ Für nit groß pracht/ Hüt dich nit leig/ Halt trew vñ glaub/ Für recht dein stat/	} Niemandt	(sein weisb. beschwer. veracht. betreüg. beraub. verhat.)
---	------------	--

Mit fauff dich wol/ Mit krieg vnd hoch/ Mit dück dich weis/ Mit schilt vñ fluch/ Die Zehen bott/ Biß gerecht vñ frum/	} Gott	(gsalts nit wol. ghört die rach. ghört der preis. nit versüch. halten sott. lohnt dir drum.)
--	--------	---

Vnd gabs dem Helden an dem ort/
 Auch redt Er zu im dise wort.
 Das seind Farben die dir gebiern/
 Vnd dir dein Wappen fast wol ziern.
 Du würst auch Got vil basß gefallen/
 Dann wenn dus last mit farben maln.
 Quartiern krümmen vnd auch biegen/
 Vnd mit Gold vnd Silber schmiegen.
 Tugent das ist die höchste zier/
 In deinem Wappen glaub du mier.
 Dieselben du in ehren hallt/
 Zeigt im ain Brieff der was sehr alt.
 Sprach den hab ich lang behalten/
 Drum die Wappen vnser alten.

Des rechten Bayrischen Adels/
Gemalt stan on allen tadel.
Die seind ainsältig vnd auch schlecht/
En warn darben frumb vnd gerecht.
Thü du das auch das ist mein bitt/
Vschäm dich deinr vordern Wappen nit.
Ich bat den Alten also schon/
Wolt mich die Wappen sehen lon.
Der Alt das williglichen thet/
Da hab ichs gschwind abeonterset.
Die alten Wappen außermölt/
Vnd in ain runde Tafel gsthöllt.
Zu Ehren dem Hochgelobten Adl/
Im Beyerland on allen tadel.





BRoßmächtigster Kasser reich/¹
 Römischer König des gleich.

In Ungern vnd Behaim zu stund/
 Auch in Osterreich vnd Burgund.
 In Steyr Kärnten Crain weiß ich wol/
 Schless Nierhern vnd in Tyrol.
 Zu Zill Berz ain Graf vnd Herz/
 An andern orten auch vil mer.
 Ewer aller Durchleuchtigkait/
 Bin ich allzeit in ghorfam bhrat.
 Wamit ich Ewer Maiestet/
 Ganz vnderthänigst dienen sett.
 Das freudte mich von ganzem herz/
 Es wer in schimpff oder in scherz.
 So wolt ich bleiben nit dahind/
 Vnd mich allzeit lon ghorfam findn.
 Zum vnderthänigsten gleich/
 Vnüberwündelichst Kasser reich.
 Nächstmals hab ich vrlaub gnommen/
 Von Ewr Maistet vnd bin kommen.
 Hinauff gen München in die Statt/
 Da man vil kurtzweyl trieben hat.
 Daruon ich dise Berz hab dacht/
 Darmit ich ja da vndericht.
 Ewr Maistet zu diser frist/
 In welcher gstatte es gschehen ist.
 Wie ich sollichs hab vernommen/
 Desgleich wie ich hinfen kommen.
 Das geschach so wunderbarlich/
 Soll Ewer Maistet gnädigklich.
 Ja als zumal von mir verstan/
 Vnderthänigst zaig ich an.
 Es geschach an ainem morgen frū/
 Das ich am Bett hat gar kain rhu.
 Da stund ich auff vnd legt mich an/
 Vnd hatt ain lust spacieren gan.
 Das Feld mit Schnee was überlent/
 Des ich mich doch von herzen freit.

3 Das

Das so schön weiß was der Wasen/
 Ich hoffte zſehen Füchs vnd Hasen.
 Mein Büchs nam Ich vnd auch ain Hund/
 Vnd doch von hauß zur ſelben ſtund.
 Auff ain geſpor kam Ich gar bald/
 Mit tweyt vor ainem groſſen Wald.
 Der Hund dem gſpor nachlieff ſo gaich/
 All gmach ſo gieng Ich hinten nach.
 Vnd kam gar tieff in Wald hinnein/
 Deß ich da kam in ſchwere peim.
 Denn ich des Hunds vnd Hasen gſpor/
 Wie gmelte ſo tieff im Wald verlor.
 Dannes vom wind was ſehr verweht/
 Im Wald hab ich mich vmbgediet.
 Mich wol vmbſehen vorn vnd hinten/
 Ob ich das gſpor künde wider finden.
 Im Wald lieff ich hin vnd wider/
 Ain mal auff das ander nider.
 Ich fand weder Hasen noch Hund/
 Traurig ward ich zur ſelben ſtund.
 Dann ich ſah auch den pfadt nicht mehr/
 Der mich hat tragen alſo fern.
 Hinnein in Wald vnd wilden Thann/
 Verſchneyt was hinder mir die ban.
 Im Wald ſo gieng ich auff vnd ab/
 Vnd was mein aller größte klag/
 Das ich fand weder end noch ort.
 Ich ſchrey wiewol mich niemandt hort.
 Im ſelben ſich ich kommen her/
 Durch das Geſtreich ain groſſen Beer.
 Her brummen wie ain ſtarcker Stier/
 Ich hüb mir an zü fürchten ſchier.
 Dann da was warlich wenig ſcherz/
 Ich ſpandte mein Büchs macht mir ain herz.
 Nach im dem Bern ich eylendts ſchoß/
 Vnd ſalt das mich gar hart verdroß.
 Dann ich in mit dem Schuß erzürnt/
 Das Er in born gen mir da fürmbt.

Er wer mir worden wil zu schwer /
 Wann ich im nicht entlauffen wer.
 Vber Stöck vnd Staudn ich hin sprang /
 In zorn der Beer auff mich da trang.
 Da traff ich on gefahr ain Moß /
 Das was sehr lang vnd darzu groß.
 Von kette zum tail überfrom /
 Tieff darüber der Beer in zorn.
 Auff dem fuß mir nach thet sagen /
 Het in Smoß auch mögen tragen.
 So wers gewesen vmb mich gsehen /
 Was mein glück müß ich veriehen.
 Ich sprang dahin in schneller ehl /
 Den selben tag noch etlich meyl.
 Gern wer ich kommen bey zeyten /
 An ain ort zu frommen leuten.
 Ich war sehr müd von diser raiß /
 So gieng mir auß vor angst der schwaiß.
 Ich dorfft mich nit setzen nider /
 Wann ich wer erkaltet wider.
 So wer ich leicht gewesen erfrom /
 Ich spitz gar fleißig da mein orn.
 Bedaucht wie ich höre leuten /
 Dann es was vmb bettes zeyten.
 Dem thon ich da ehendes zülief /
 Da kam ich an ain wasser tieff.
 Vnd mocht nit hinüber kommen /
 Bracht mir warlich klainen frommen.
 Dem wasser lieff ich nach zu ruck /
 Ob ich da keme zu ainr bruck.
 So fand ich weder Bruck noch Steg /
 Des gleichen weder pfad noch weg.
 Erst fieng mir an mein hertz erkalt /
 Vnd sprach der lieb Got wöll sy walt.
 Auß disem Wald kumbst du nicht mee /
 Wilt hin vnd wider durch den snee.
 Durch gestreiß hecken vnd geulnd /
 Ich hort vnd sach gar manig Wild.

Die ich sehr forcht vnd sy mich auch/
 Im selben daucht mich wie ain rauch.
 Auffgienge in dem Wald so dick/
 Nach dem selben thet ich ain blick.
 Was es doch für ain rauch möcht sein/
 Mir erzitteret haut vnd bein.
 Forcht mir auch sehr auß aller maß/
 Nit ferz hindan geht gewiß ain sträß.
 Thet ich selber zu mir sagen/
 Da Mörder vnd Bübn acht drauff haben.
 Die da beraubend ehren leüt/
 So nicht hindurch kommend bey zeyt.
 Die grosse not ich vor mir sach/
 Das ich da zu mir selber sprach.
 Wags recht vnd sich doch was es sey/
 Wie ich nun näher kam hinbey.
 Da sach ich das ain Rolhauff was/
 Wie hoch erfreut mich ymmer das.
 Dann ich gehört hab alle zeyt/
 Die Koler seyend frumme leüt.
 Vnd gieng hinzu so ganz frölich/
 So bald ich nun den Koler sich.
 Trat ich zu im vnd sprach in an/
 Erschreckend nit mein Ehrenman.
 Von mir soll Euch gschehen kain leyd/
 Ab Euch so hab ich grosse freud.
 Hab mich in dem Wald vergangen/
 Mich thut darauf sehr verlangen.
 Ich bitt gebt Ewer hilff vnd steür/
 Er sprach setz dich da zu dem feür.
 Vnd fragt mich da sollicher mer/
 Wie ich zu im dar kommen wer.
 Da hüb ich an sagt im mein not/
 Er gieng bracht mir ain stücklin brot.
 Vnd sprach da isz ich hab kain tisch/
 Doch hab ich noch ain pratnen visch.
 Den hab ich in dem Wasser gfangen/
 Von dem du erst her bist gangen.

Denselben

Denselben will ich dir geben/
 Nit besser wirts heit nacht gleben.
 So hab ich weder Bier noch Wein/
 Wasser das ist das trancke mein.
 Dasselb das tail ich dir auch mit/
 Ich sprach zu im es wer mein bitt.
 Er wolt mir sagen on geser/
 Wie weyt es noch zun leiten wer.
 Er sprach das will ich sagen dir/
 Zwi grosser meyl das glaub du mir.
 In ainen flecken vor dem Wald/
 Darnach kumbst du gen Salzburg baid.
 Da merckt ich andes Kolars sag/
 Das ich die nacht vnd auch den tag.
 Gelauffen was wol zehen meyl/
 Legt mich nider vnd schlieff ain weyl.
 Bey dem sekr vnder ainem Baum/
 Da kam mir für in ainem traum.
 Wie ich die Fastnacht wolt reuieren/
 Vnd nach wollust außgehn spazieren.
 Da hab ich funden ainen pfad/
 Gantz lustig eben vnd auch ghrad.
 Demselben gieng ich nach ain weyl/
 Vngefährlich ain halbe meyl.
 Vnd kam für ainen Rosengart/
 Gantz lustig schön vnd darzu zart.
 Der Gart der was so wol umbheckt/
 Mit starcken flammern zamen zweckt.
 Mit Wassergräben wol bewart/
 So flos auch nebend hin am Gart.
 Wol zu der rechten seyt hinab/
 Ain Wasser das vil nutz gab.
 Den Garten thet es schon erquickten/
 Vnd wie ich nun darcin thet blicken.
 Sach ich der fruchten one zal/
 Wol in dem Garten überal.
 Die er so lustiglichen trüg/
 Ich kundert sy nicht erschawen gnuig.

Da wüchsend Rosen blat vnd weiß/
 Auch gel vnd rot das ich sy preis.
 Warlich sy gar lieblich schinnen/
 So sach ich im Garten innen.
 Gar atnen lustiglichen plan/
 Vnd auch am Rosenbusch drauff stan.
 Darinn ain Löw so wol gemüt/
 Der hielt den Gart in güter hüt.
 Das im laid nit solt widerfarn/
 Arbeit vnd fleiß thet Er nit sparn.
 Tag vnd auch nacht sach Er darzü/
 Das Er den Garten hielt in rhu.
 So bald sich ain vngereth bleckt/
 Ward es von seinem gschray erschreckt.
 Das es im Garten bleib nit lang/
 Gemeltes gschray machet im bang.
 Gleich wie ain Hirt hielt Er in hüt/
 Die Rosen vnd die frucht so güt.
 Auch alles das im Garten was/
 Ain schöner Adler der da saß.
 Neben im zu der linken hand/
 An seiner brust ich gschriben sand.
 Tugent das ist mein höchst zier/
 Ich sach auch junger Löwen vier.
 Gar lustig schön nit allt von jarn/
 Diedem Eltern gehorsam warn.
 Auch andre thier in dem Garten/
 Theten auff den Löwen warten.
 Was Er Sy hieß vnd auch beualh/
 Warn Sy gehorsam überal.
 Vnd diendend im mit ganzem fleiß/
 Ich sach drey Lerchen schön vnd weiß.
 Fliegen ain jungen Löwen zu/
 Er nams zu im hielt Sy in rhu.
 In dem Garten hab ich gsehen/
 Sag ich mit der warhait sehen.
 Schöne kurtzweyl vnd freuden vil/
 Mit Thurnieren vnd Ritterspil.

Im Traum ich zu mir selber sprach/
 Ain schönern Garien ich nye sach.
 Wenn er zühorte ich gedacht/
 Im selben so bin ich erwacht.
 Vnd der Garien mir verschwunden/
 Zühand hab ich in wider funden.
 Wie Ewer Maister wirt vernem/
 Vnd ich in ghorfam gib zverstehn.
 Den Koler bat ich in der maß.
 Er wolt mich weyßen auff ain sträß.
 Die mich da trüge auß dem Wald/
 Das thet der frumme mann gar bald.
 Vnd weiß mich auff die sträß gar wol/
 Darauff Er gen Markt fürt sein Kol.
 Die was gezeichnet durch den Wald/
 Das ichs nit kundert verlieren bald.
 Dem Koler dancket ich so frumb/
 Vmb sein güthtat vnd lonht im drumb.
 Vnd zoch gar eylendts durch den Than/
 Mir begegnet ain alter Man.
 Sehr groß vnd auch von raucher art/
 Ain langes Haar vnd dicken Bart.
 Er redt mich an mit rauher stin/
 Gar hart entsetzt ich mich ab im.
 So bald Er sollichs von mir sach/
 Ganz freündlich Er zu mir da sprach.
 Fürchte dir nicht mein lieber fründ/
 Ob wir gleich baid allain hie sind.
 Von mir soll dir nichts geschehen/
 In der Nacht hab ich dich gsehen.
 Da du schliefest vnder dem Baum/
 Kan dir auch sagen deinen Traum.
 Der dir die Nacht fürt ist kommen/
 Den du noch nicht hast vernommen.
 Wilt du ain klain weyl mit mir gehn/
 So gib ich dir in zu verstehn.
 Wa ir mich sollichs wölt gewern/
 Sprach ich zu im so geh ich gern.

Dahab Er an vnd thet sehen/
 Du hast ain schönen Gartngsehen.
 Der war geziert mit gankem fleiß/
 Mit schönen Rosen blau vnd weiß.
 So warn auch rot vnd geel darben/
 Den Löwen Adler was es sey.
 Das will ich dir als legen auß/
 Wilt du mit mir haim gehn zü haus.
 Ich gieng mit im wir kamend bald/
 Zü ainem berg gleich vor dem Wald.
 Darinn Er dann sein wouung hat/
 So was darinn auch güter rhat.
 Von allerlay würtz güte speiß/
 Sagt Er mir für nach seiner weis.
 Zü mir Er sich da nider sagt/
 Vnd hüb gar freündelich an vnd schwagt.
 Fürwar da in der wilden Klaus/
 Den Traum gar schön mir leget auß.
 Wie Er mir dann verhaissen hatt/
 Vnd sprach es ligt ain schöne Statt.
 Nicht wendt von himm ist wol bekandt/
 Mönchen also ist sy genandt.
 Die ist in solcher maß ver wart/
 Wie dir dann hat anzaigt der Gart.
 Mit Mauren Thüren Wassergräben/
 So laufft hinnab gleich darneben.
 Ain schönes Wasser allezeit/
 Schiff vnd auch Flöß dasselbe treyt.
 Der Statt es warlich nützlich ist/
 Drauff zü faren auch das man fift.
 Dife Statt ist also geziert/
 Den preiß sy noch bissher hat gfürt.
 In Teütsch vnd auch im Welschem land/
 Ist wol jr schön vnd zier bekandt.
 Es hat darinn vil wahr vnd wahr/
 Vnd auch ain Ersam Weysen Racht.
 Zwelff Burgermaister es da hat/
 Vnd auch ain Richter in der Satt.

Darmit

Darmit man Tvoelck in ehren zücht/
 Das seind fürwar die edlen frucht.
 Die du sahest im Garten schon/
 Ain Rosenbusch hast sehen ston.
 Darinn ain Löw gar wolgemüt/
 Der da den Garten hielt in hüt.
 Vor dem vnzifer klain vnd groß/
 In diser Statt da ligt ain Schloß.
 Oder ain Vestin wie mans nennet/
 Ganz lustig schön vnd wentt erkennet.
 Darinn sitzt gar ain frummer Fürst/
 Den allezeit nach ehren dürst.
 Der hochgeborne Fürst so güt/
 Helt dise Statt in güter hüt.
 Das ir thû laid nit widerfarn/
 Arbeit vnd fleiß thût Er nit sparn.
 Das Er verordne Recht vnd Ghricht/
 Da man ain heden ortel spricht.
 Wie dann begert lutticia/
 Dem Reichen wie dem armen ma.
 Got hat in darzu außerkorn/
 Den Edlen Fürsten hochgeborn.
 Vnd im geben vil Stett vnd Land/
 Das Er regieret alles sand.
 Mit Gottes forcht erhalt sy frey/
 Vor übermüt vnd Tirannen.
 An allen orten sicht Er zu.
 Das Er sein Land halte in ruh.
 Gott der Herz der wöll im geben/
 Nie aufferden langes leben.
 Darnach die ewig sälligkeit/
 Die im von anfang ist bereit.
 Das ist der Löw im Busch geziert/
 Der Fürst im Schilde vnd Helm in fürt.
 Denn Er ist Pfaltzgraff bey dem Rheyne/
 Die weiß vnd blawen Rosen sein.
 Das seind die blaw vnd weißn wegken/
 Die da niemandt thünd erschrecken.

Die

Die Er mit sampt dem Löwen fñrt/
 Sein Schildt vnd Helm es im wol ziert.
 Des sich ain Fürst nicht darff schamen/
 Herzog Albrecht ist sein Namen.
 Den Er in hohen ehren treyt/
 Der Adler auff der lincken seyt.
 Das ist sein Emahel außerkorn/
 Von Kaiserlichem Stam̃ geborn.
 Ir lob kan ich nit preysen gnüg/
 Die Büchstab die der Adler trüg/
 Geschriben vorn an seiner brust/
 Bedeut das Sy hat freid vnd lust.
 In demüt vnd gerechtigkeit/
 Den armen ist Sy alle zeit.
 Genädig vnd auch willig gleich/
 Die Hochgeborne Fürstin reich.
 Hat solchs von irem Vatter gleert/
 Der der armen hat vil erneert.
 Das Römisch Reich regiert Er zhand/
 Sein nam was Kaiser Ferdinand.
 Ir Mütter mag ich reden das/
 Ain Königin auß Vngern was.
 Der frum̃ Kaiser Maximilian/
 Der ist ir liebster brüder schon.
 Ferdinand vnd Carol desigleich/
 Bald Erzhertzog zu Osterreich.
 Von Got begabt mit tugent groß/
 Vnd Kaiserliches stammens gnos.
 Die seind ir brüder alle drey/
 Zetzt hörs du wer der Adler sey.
 Die gnädig Fürstin hochgeborn/
 Anna genandt on allen zorn.
 Will ich dich vnderrichten gschwind/
 Ja wer die jungen Löwen sind.
 Die dem alten gehorsam warn/
 Vnd auch schön jung nit alt von jarn.
 Dis seind die jungen Fürsten güt/
 Got wöll Sy halten in seiner hüt.

Die

Die der Löw so vnbetrogen/
 Mit dem Adler hat erzogen.
 Got gebe dem Fürstlichen blut/
 Sterck krafft vñ macht auch freud vnd müt.
 Dem feind zuthun ain widerstand/
 Vnd irs geliebten Vatters land.
 Mögen halten in ainigkeit/
 Dann sy zum friden feind genaigt.
 Frumb auffrecht vnd vnbetrogen/
 Die weissen Lerchen die da flogen.
 Zu dem jungen Löwen gleich/
 Ist gar ain schöne Fürstin reich.
 Die man da wirt auß Luttringen/
 Nekund dem jungen Fürsten bringen.
 Herzog Wilhelmen Hochgeborn/
 Hat sy zum Gmahl außerkorn.
 Von Got ist sy im worden bscheert/
 Er hat von seinem Vatter gleert.
 Wie auch sein frumme alten ehe/
 Soll Er auch greiffen zu der Ehe.
 Wie Christus selbst beuolhen hat/
 Das vermitteln werd groß vnrhat.
 Dann wer die Ehe von im hintweist/
 Vnd sich allzeit der vnzucht fleist.
 Der kumbt zu schanden also gschwind/
 Exempel ich dir hie verkünd.
 Sprach da zu mir der alte man/
 Zeigt mir die alte Biecher an.
 Wie Got der Herr hett lon ertrinekn/
 Vnd in dem wasser auch versinckn.
 Die ganke Welt zur selben zeit/
 Allain omb ir groß vnkeüschheit.
 Die sy mit andern Weibern trieben/
 Er sprach von Sodoma stat gschriben.
 Wie Got sy strafft so vngeheür/
 Verbrandt sy mit dem Hellschen feür.
 Zwelf Fürsten sprach Er wurden ghenckt/
 Desß vns die hällig schrifft gedenckt.

Gründtlich

Gründelich vns daruon thū sagen/
 In ainer schlacht ward erschlagen.
 Wol viervndzwainzig tausent Man/
 Darnach ward das land Canaan.
 Gestrafft des sy wol warend werdt/
 Vnd außgerettit mit dem schwerdt.
 Die einwoner zur selben zeit/
 Gschach als durch jr leichtfertigkeit.
 Die sy getriben hatten lang/
 Ben Jamins volck ward auch bang.
 Durch des schwerts scherpfte gnommen hin/
 Wie ich dann vnderichtet bin.
 Von wegen ains Leuiten weib/
 Der sy gschmächte hattend jren leib.
 Da David mit der Versabe/
 Haimlich gebrochen hat sein Ehe.
 Ward im von Got ain straff bereit/
 Die im der Prophet Nathan seyt.
 Darzu ward auch das ganze land/
 Gar hart gestrafft omb diser schand.
 Willen/müßten sy verderben/
 Vnd an der Pestilentz sterben.
 Ain falsch weib btrog den Saloman/
 Das Er Abgötter bettet an.
 Als Paris Helenam entwandt/
 Menelao auß Ghriechenlandt.
 Da müßt Troya zu boden gehn/
 Vnd das ganz land zerrissen sehn.
 Tarquinius Lucretiam/
 Hat gschmächte vnd jr die Ehre nam.
 Ward auß ganzem Rom vertriben/
 Vnd seind der seinen weng bliben.
 Zu Sparta saß Pausanias/
 Ain streitbarer Fürst er ja was.
 Hat sich vergriffen müß ich sehn.
 Ist zu Constantinopel gschehn.
 Ain Junckfraw er mit gewalt bezwang/
 Got kundts nicht überschen lang.

Vnd

Vnd ließ den Fürsten hungers not/
 Erkundigen den bitteren tod.
 Nichts halff in da sein Fürsilich macht/
 Sein dapfferkeit in mancher schlacht.
 Als Er errett auß not vnd schand/
 Weib vnd kind auch sein Vatterland.
 Da Er erschlug das Persisch heer/
 Vnd andre grosse thaten mer.
 Das mocht in alles helffen nicht/
 Es man des Holofernes geschicht.
 Der sich auch dahin thet geben/
 Des ward im gnommen sein leben.
 Ja von der Judith also frumb/
 Die in schlaffend gebracht hat vmb.
 Solchs als der Hochgeborne Fürst/
 Alßsand wol waist darumb in dürst/
 Nach der gerechten Charitas/
 Ir Fürsilich gnad on vnderlaß.
 Sich fleist Amor zu vertreiben/
 Vnd in dem Land nit leyden.
 In sollicher form vnd gestalt/
 Herzog Wilhelm der Fürst sich halt.
 Nach seines lieben Vatters rhat/
 Dem Er ist ghorfam frü vnd spat.
 Des wirt in Got lassen gniessen/
 Lieber laß dich nit verdriessen.
 Zetlich gen Mönchen es ghrewt dich nit/
 Ir Fürsilich gnad hat das im sitt.
 Wer ir dienet gehorsamlich/
 Belonet Sy genädiglich.
 So würst auch sehen grosse freud/
 Wie dir der Traum hat geben bscheid.
 Man wirt Turnieren vnd Streichen/
 Schwerdt zurschlahen Spieß zerbrechen.
 Ich bat den alten gar freündlich/
 Das Er da wolt berichten mich.
 Der Straß desgleichen steg vnd ireg.
 Dahin da die Statt Mönchen leg.

Da

Da fñrt Er mich durch ainen Wald/
 Ain schöne Straß zaigt Er mir bald.
 Sprach laß dich darvon nit tringen/
 Sy wirt dich in kurtzem bringen.
 Gen München in die Fürstlich Statt/
 Darnach ich dann verlangen hatt.
 Ich danckt dem Alten fleißigklich/
 All seiner red der freüt ich mich.
 Doch dahin mit grossen freuden/
 Ober vil der schönen Heyden.
 So bald ich nun die Statt ersach/
 Also ich zu mir selber sprach.
 Ich sach nit bald ir gleichen/
 Dem Garten thut sy vergleichen.
 Wie mir der Traum an hat gedaigt/
 Also was dise Statt bereit.
 Gieng hinein bschawet sy gar eben/
 Ich sag das ich bey mein leben.
 Schöner Statt auch all mein tag/
 Warlichen nit gesehen hab.
 In der mitt sach ich ainen plan/
 Ain schön gebew auch darauff stat.
 Das was geziert nach aller kunst/
 Ich sprach nun wirt das nit vmb sunst.
 Alhie da auff gerichtet sey/
 Ich fragt ain Burger stünd darbey.
 Was es da were für ain sach/
 Ersach mich an vnd zu mir sprach.
 Da wirt man Stechen vnd Thurnieren/
 Vnd auch die Ritterschafft probiern.
 Der Braut zu Ehen thet er sehen/
 Sprach ich müß es bas besehen.
 Ich gieng hinein wol auff die ban/
 Zwi Ehren portten sach ich stan.
 Die warn geziert mit ganzem fleiß/
 Lustig vnd schön das ich sy preis.
 Ich hab Thurnier pân vil gsehen/
 All mein tag müß ich veriehen.

Ben Fürsten Herren Grauen reich/
 Warlichen kaine des gleich.
 Die Porten wern gar wol gemacht/
 Das ich oft bey mir selb gedacht/
 Den Maister möchtest du wol kenn/
 Vnd seinen Namen hören nenn.
 Der sollich arbeit hat gethon/
 Ich kan nicht vnderwegen lon.
 Den Maler muß ich loben drum/
 Ja der die Porten omb vnd omb.
 So künstlich hat gemalt fürwar/
 Als soltens da stehn etlich jar.
 Der sachen muß Er sein berichte/
 Vil mannlich thaten vnd geschicht.
 Der Römer Handen vnd Ghriechen/
 Die man da muß warlich ziehen.
 Auß den alten Histori zwar/
 Das mer ist dann zwan tausent jar.
 Wie dieselben geschriben sind/
 Vnd ich auch in der jarzal find.
 Die mich noch nye hat betrogen/
 Zwan Wappen sach ich schön gschmogen.
 Des Königreiches von Dennmarck/
 Sach ich stehn zu der rechten starck.
 Ich fragt ain Herrn der selben mer/
 Auß was vsachen es da wer.
 Hier an dise Porten gstellt/
 Er sprach der Braut so hoch gemellt.
 Mütter solt du mercken so starck/
 Ist ain Königin auß Dennmarck.
 Ist Sy ja warlichen geborn/
 Vnd ainem Fürsten außerkorn.
 Auß Eutringen merck du eben/
 Thut das Wappen kundtschafft geben.
 Das da steht zu der lincken hand/
 Mer andie Wappen ich auch fand.
 Ain geler Löw den schawt ich gnaw/
 Gar schöne Wegken weiß vnd blau.

An des Alten red dacht ich sein/
 Es wirt des Fürsten Wappen sein.
 Ich sach siehn on allen schaden/
 Das Fürstlich Wappen von Baden.
 Ain güter freünd sagt mir daher/
 Das es der alten Fürstin wer.
 Das sey ain Marggräfin von Badn/
 Den armen sey Sy gar kain schadn.
 Vnd hab derselben vil erneert/
 Solchs hab ich von dem Burger ghört.
 Ich sprach zu in on allen spott/
 Darumb so hat Sy gnad von Gott.
 Das Sy in ir alten tagen/
 Wollust vnd groß freüd thut haben.
 An iren Kindern vnd auch Stam/
 Von dem man nye nichts args vernam.
 Gott der Herr der wöll ir geben/
 Nach diser zeit ewig leben.
 Noch hab ich gsehen an der Port/
 Gleich oben ston an yedem ort.
 Zwen Risen warend wol formiert/
 Vnd auch vom Maler schön geziert.
 Gar lustig personlich vnd klüg/
 Ain schönes Paner yeder trüg.
 Zu der Rechten seht sach ich gleich/
 Des hochgedachten Fürsten reich.
 Farb vnd Wappen gar wol erkendt/
 Löw vnd Wegken wie vor genendt.
 Zur Linken seht sach ich mit fleiß/
 Im Schilt drey Lerchen schön vnd weiß.
 Wie mir der Alte anzeigt hat sein/
 Müß es Luttringisch Wappen sein.
 Ich müß d Porten weyter loben/
 Ich hab gsehen ringsweiß oben.
 Achsehen Fanen lustig flieg/
 Es hab mich dan thün Dwyetter btrleg.
 Der wind der hat so sehr geweht/
 Vndsy wol durch ainander dret.

Das

Das die farben mir verschwinnen/
 Denn sy gar hoch auff den zinnen.
 Seind gestanden müß ich sehen/
 Wie gemelt ach zein hab ich gsehen.
 Ich sach sy an mit ganzem fleiß/
 Etliche waren blau vnd weiß.
 Weiß rot vnd gel ich etlich sach/
 Das seind die Rosen ich da sprach.
 Die ich sach in dem Traum gar schon/
 Ich hab auch gsehen wol gethon.
 Ain Juncckfraw die da hat ain Krank/
 In irer hand lustig vnd ganz.
 Am höchsten auff der Porten stan.
 Wer will den Krank von ir empfahn.
 Es kan niemant in erlangen/
 Weder mit Spieß noch mit Stangen.
 Will Er dann hin auff hin steigen/
 Meins theils will ich hundien bleiben.
 Vnd sollt ich nimmer tragen Krank/
 Mir mücht villeicht fahlen die schank.
 Da sprach zu mir ain junger knecht/
 Die sach verstaß du hie nit recht.
 Man wirt Thurniern vnd auch Stechen/
 Schwerdt zer schlagen Spieß zerbrechen.
 Wellicher speß thut merck eben/
 Ain Krank wirt demselben geben.
 Von ainem Juncckfraw tugentreich/
 Die ander Port die schawt ich gleich.
 Die was in aller form vnd gstatte/
 Der ersten gleich gemacht vnd gmalte.
 Mit Fanen gmel vnd auch figaur/
 Das nit verstat ain yeder Baur.
 Wie ich dann vorhin hab verkindt/
 In Büchern man es gschriben findt.
 Die künden ain vnderuchten/
 Solcher Ritterlichen geschichten.
 Ich sach ain Bild das wirt erkendt/
 Fürs Glück vnd die Fortuna gñendt.

Stehn in der höch zur selben stund/
 Auff ainr Kugel denn Uglück ist rund.
 Es laufft nicht nach ain yeden wöllen/
 Vnd hasset manchen güten geselln.
 Ja so Ers gleich nit hat verschuldt/
 So müß Ers leyden mit gedult.
 Fortuna achtet kainr person/
 Laßt Kugel gehn vnd schwingt den Fan.
 Wa Sy hin laufft laßt sys gschehen/
 Wie man im Thurnier wird sehen.
 Denn es kan nit als gleich zügehn/
 Gleich vnderthalt da sach ich stehn.
 Zwen Löwen künstlich vnd auch wol/
 Gemacht darumb man billich soll.
 Solch arbeit loben vnd priesen/
 Sy bringes selb mit thüts betwessen.
 Das werck das lobt den Maister sein/
 Wie hie auch gschicht als ich vermein.
 An disen Pouten oder zier/
 Daran ich mich vergafft hat schier.
 In der mitte warn sy so breit/
 Fünffzehen schüch dardurch man reit.
 Wann man auff den Thurnier hin zoch/
 Zwerch schüchen fünffzig warn sy hoch.
 In dem zirkel ganz schön vnd rund/
 Bekennen das auß meinem mund.
 Das man sy kündt in alln sachen/
 Warlichen nit schöner machen.
 Ain ding hat ich schier vergessen/
 Die Ban hab ich selbst gemessen.
 Gschach vngesah in ainem gang/
 Ich fand das sy ist gewesen lang.
 Hundert vnd drey vnd vierzig schritt/
 Die braite hab ich gmesen mitt.
 Sy ist gewesen für war nit schmal/
 Fünffzig vnd ain schritt was die zal.
 Es was fürwar ain schöne Ban/
 Ich hab gehört von manchem man.

Das

Das Er Sy warlich all sein tag/
 Schöner auch nit gesehen hab.
 Verschlagne Schrancken giengen druff/
 Der flachen Seül ain grosse sum.
 Von ainer port zur andren gsteht/
 Vngfarlich hundert ich habs zelt.
 Vnd he die drit die was ain bild/
 Lieblich gemalet gar nit wild.
 Von ainer Saul zur andern gieng/
 Schnier ganz lustiglich dar an hieng.
 Vil schöner fruchten hin vnd her/
 Lustig als obs dran gewachsen irer.
 Kürbis vnd auch Pomeranzen/
 Zerschnitten gold thet sein glanzen.
 Seül vnd Schrancken desigleich Zumen/
 Worn gemalet auß vnd innen.
 Auch worn vier thor wol an der Ban/
 Das man da auß vnd ein solt lan.
 Wer etwas drin zu schaffen hatt/
 Vnd lag an mitten in der Statt.
 Der Brinnen zwen vnbetrogen/
 Ain vnden den andern oben.
 Ich kan allsand nit wol erzeln/
 Der tag hat mir zkurtz werden wölln.
 Allsand hab ichs nit geschriben/
 Vnd was mir ist überbliben.
 Das wirt ain ander zaigen an/
 Der es verstat vnd besser kan.
 Das villeicht leichtlich mag gschehen/
 Was ich weiter hab gesehen.
 Das gib ich auch hie hüerstehn/
 Thet in die newe Veste gehn.
 Oder Schloß mir gar vnerkendet/
 Denn wie der alt mir es hat gendet.
 Wie ich bin kommen für das thor/
 Sach ich Trabanten stehn darvor.
 Die fragten mich wem ich zu her/
 Von wann ich kem von welchem ort.

K iij Vnd

Vnd was ich da zu schaffen hett/
 Ain antwort ich in geben thet.
 Ich kum von Wien auß Osterreich/
 Vom großmächtigsten Kaiser reich.
 Das zaiget mein Kladung gar ebn/
 Die Sy mir hat auß gnaden gebn.
 So du dann kumbst vom Kaiser her/
 Gedenecken wir es hab kain gfer.
 Wann von dem Kaiser ain Hündlin kem/
 So wercs mein Herren angensem.
 Also sprachen die Trabanten/
 Dann vorhin Sy mich nit kanden.
 Wie ich nun in Hof bin kummen/
 Sach ich gar ain schönen Brunn.
 Vmb den so gieng ich hin vnd her/
 Was gmacht gleich obs ain Felsen wer.
 Darauß der Brunn flosß lustigklich/
 Bil schöner Vrschen ich da sich.
 Ich gieng ain Stiegen auff nit schmal/
 Da kam ich in ain schönen Saal.
 Der was gezieret also wol/
 Das ich in billich loben soll.
 Vnd muß das thun ja vnbetrogn/
 Mit schönem Gold was er umbzogn.
 Gar schön geziert vnd wol gethan/
 Das ichs nit gnügsam loben kan.
 Der Boden vnden wie ich main/
 War eytel güter Marmelstein.
 Den obern thet ich schawen gleich/
 Das ich all mein tag so kunstreich.
 Sollich arbeit muß ich sehen/
 Hab von kainem Meister gsehen/
 Desgleich so was er schön vergüllet/
 Ich waisß das in gewiß niemandt schillt.
 Ich sach vier Löwen von gold reich/
 Die sahend schönen Leuchtern gleich.
 Wern so groß das muß ich sagen/
 Ich hett an ain ghebt zu tragen.

Gar

War schöne Tessel warn im Saal/
 Von schwarzem Sammat liberal.
 Ain schönen himel ich anblickt/
 Zway schöne Wappen drauff gestickt.
 Bayerisch vnd auch Lutringen/
 Ich hort auß der Music singen.
 In ainr Kirchen gleich darneben/
 Da man Got die Ehr thut geben.
 Ober den Saal thet ich bald gehn/
 In ainen andern vnd sand sich.
 Zway Bilder schön in Marmelstam/
 Abconterfet sauber vnd rain.
 Herzog Wilhelm vnd sein Gemahel/
 Der Stain was hart gleich wie Stahel.
 Darinn Sy warend gehawen/
 Fleissigklich thet ich Sy schawen.
 Vnd auch ir Namen beder laß/
 Der ob inen geschriben was.
 Darben ich Sy dann hab erkandt/
 Den Fürsin vnd Fürstin bede sand.
 Den Got hat nezt in seinem Reich/
 Darnach so bin ich kommen gleich.
 Zu ainer Stiegen an der seyt/
 Da war von schönem holz eingleyt.
 Büchstaben kunstlich eingeschnitten/
 Nach desselben Maisters sitten.
 Ain Arbaiter der sauff vil wein/
 Müß all sein tag in armüt sein.
 Auch es stat alle ding in Gott/
 Es sey das leben vnd der todt.
 Die Büchstaben ich also laß/
 Dann es nit anders gschriben was.
 Ich gieng im Schloß da wentter fort/
 Ich sach so mähig lustig ort.
 Von Sälen/ Stuben vnd Zimmer/
 Das es mich verwundert hinner.
 Ab ainer so kostlichen zier/
 Ich hatt mein selbs vergessen schier.

Dann

Dann ich warlichen all mein tag/
 Vil Fürsten heüßer gsehen hab.
 Das aber wer diert so eben/
 Mit Thürn Mäurn vnd Wassergraben.
 Mag ich mit der warhait sehen/
 Das ich hab latnes nit gsehen.
 Erst gedacht ich an meinen Traum/
 Da ich schlieffe vnder dem Baum.
 Vnd mir der Alt auch hatt außgleyt/
 Das fand ich neht allsand bereyt.
 Im selben ward mir auch bekandt/
 Ja wie das Herzog Ferdinand.
 Mit sampt aim wolgebornen Herin/
 Graf Dt Hainrich in grossen ehm.
 Von Schwarzenberg so tugentreich/
 Herz zu hohen Landsperg desgleich.
 Zu Egenhofen vnd Winger/
 Auch Bayrischer Landthofmaister.
 Vnd darzu Hauptman vor dem Wald/
 Ich zaig auch an gar manigfalt.
 Vil andre Herin auff diser raiff/
 Das ich ir nam fürwar nicht waiff.
 Gen Ingolstatt gezieret schan/
 Vnd daselbst ja die Braut empfan.
 Mit sampt ir Mütter tugentreich/
 Vnd andern Herren desgleich.
 Wie sy nun den anderen tag/
 Kommend in Ingolstatt ich sag.
 Lame die Fürstin tugentreich/
 Gefarn wol auff der Thonate gleich.
 In ainem Schiff gar schön geziert/
 Wie es ainr Fürstin wol gebürt.
 So bald Dgsh:an in d'Satt ist kommen/
 Gen Ingolstatt vnd hats vernommen.
 Des hat die Burger schafft sich gfreüt/
 Vnd schön in Harnisch angeleyt.
 Desgleichen die Bnuerfiet/
 Sich da gar schön erzäigen thet.

Herzog Fer-
 dinand zeuch-
 gen Ingols-
 statt.

Burger schafft
 zu Ingolstatt.

Wie

Wie sy nun vom Schiff ist gstanden/
 Da ist gewesen bald verhanden.
 Der hochgedachte Graf vnd Herrn/
 Vnd sy empfangen mit grosser ehren.
 In Frantzösischer Sprach so reich/
 Ganz Fürstlich vnd auch tugentreich.
 Das manigklich verwundert hatt/
 Vnd auch die Herrn zu Ingolstatt.
 Seind gewesen vnuerdrossen/
 Im Schloß vnd Statt dapfer geschossen.
 Den Statthalter müß ich loben/
 Er hat ghandlet vnbetrogen.
 Wie im gebürt ich warlich sag/
 Darnach wol an dem dritten tag.
 Geruckt auff Pfaffenhofen zu/
 Mit vilen Herrn in güter ruh.
 Da man sy auch empfangen hatt/
 Wie sich gebürt ainr solchen Statt.
 Darnach auff Thachaw hin gefarn/
 Mit den Herren die bey jr warn.
 Wolff von Mexelrain Ritter güt/
 Der Herz allzeit wol handeln thut.
 Thet sich nach allen ehren kern/
 Ich lob den wolgebomen Herrn.
 Weiter müß ich hie auch sagen/
 Das die Braut in disen tagen.
 Durch die Pfaltz gefarn ist kommen/
 Vnds geschrey gen Ingolstatt ist kömen.
 Ist Herzog Ferdinand erkendt/
 Vnd Graf Dt Hainrich hochgenendt.
 Auch andre Herrn von ehren wegen/
 Geritten der Braut entgegen.
 Da der Graff das best hat gethon/
 Mit seiner Sprach sich brauchen lon.
 Frantzösisch wie dann vor gehört/
 Vnd jr gnad in Frankreich gelert.
 Vnd darmit ghandlet also wol/
 Das ich in billich loben soll.

Wiewol

Wolff von Mexelrain.

Berg vñ Prey-
sing Ritter/
hat die Braut
aus Lutterins
gen bracht.

Wiewol Ers von mir nit hat bgert/
 So soll ichs than Er ist sy werdt.
 Nun will ich fürbaß zaigen an/
 Wie man nun zu der Statt ist kan.
 Hüb man an schleffen vngheür/
 Auß den Büchsen bran da das feür.
 Statthalter Burgermaister Xhat/
 Müß ich pressen von Ingolstatt.
 Dann Sy hond thon wie ehlich leüt/
 Vnd wol gehandelt zu der zept.
 Des Sy billich sollen gniessen/
 Sich warlich nichts lon verdriessen.
 Desgleich die Vniuersitet/
 Gleich wie züvor wol halten thet.
 Das ich Sy preiß vnd darnach sag/
 Gleich morgen des den nächsten tag.
 Billich so soll anzaigen ich/
 Hat Graff Ott Hainrich tugentrich.
 Von Schwarzenberg der Edel heldt/
 Die Braut die ich hab hoch gemeldet.
 Gen Thachaw bracht in grossen ehn/
 Thet sich darnach nach München kern.
 Wiewol der weg was drey teutsch meyl/
 Ist Er sy gfar in schneller eyl.
 Den nächsten in die Newen Vest/
 Vnd angezaigt die werden Vest.
 Des freüdt sich da der junge Heldt/
 Herzog Wilhelm vor hoch gemeldet.
 Saß auff ain Gutschn wie ich vernim/
 Gen Thachaw zu stünd im sein sin.
 Thet all sach da wol versehen/
 Das den Gesten ehr solt gsehen.
 Darnach gefarn widerumb heim/
 In die New Vest als ich vermein.
 Das ist gestanden wie ich sag/
 Biß an ain vnd zwainzigsten tag.
 Da ist Graff Ott Hainrich beuolhn/
 Ir gnad soll die Braut z Thachaw holn

Collichs

Erzherzog
Ferdinands
eintritt.

Collichs jr gnaden hatt gethon/
Vnd wie beuolhen außgbricht schon.
Darbey will ich es lassn bleiben/
Von andern sachen will ich schreiben.
Was sich weiter verlauffen hatt/
Ich gieng widerumb inn die Statt.
Vnd hort ain red die gfiel mir wol/
Es kem hundert auß Tyrol.
Ain Fürst der wer so tugentreich/
Vnd Erzherzog inn Osterreich.
Ferdinand hört ich in nennen/
Sprach ich möcht jr Durchleucht kennen.
Dann ich von disem Fürsten hab/
Vil Ehren ghört alle mein tag.
Das Er sen sänfftmütig vnd frum/
So ich hör das jr Durchleucht kum.
So will ich mich des verwegen.
Vnd jr Durchleucht gehn entgegen.
Gheng auß der Statt vnd nam sy war/
Da sach ich gar ain grosse schar.
Grafen Ritter vnd Edelleut/
Des ich mich da von herken freudt.
Das jr Durchleucht so tugentreich/
Mit sampt den andern Herren gleich.
Daher reit nach Fürstlicher art/
Fürstlich Er auch empfangen ward.
Von seinem Schwager vnd Schwester/
Ich freudt mich ye lenger vnd vester.
Dann solche Fürstliche sachen/
Thand vil menschen frölich machen.
Es geneußt sich auch alle zeit/
Die diener vnd die handtwercks leut.
Die man nützt zu solchen sachen/
Vor freud hüb ich an zu lachen.
Sprach die Herrn möcht ich wol kennen.
Hören mit jm Namen nennen.
Vnd wie starck auch ain yeder ritt/
Das kundt ich aber wissen nit.

Da

Da kam zu mir ain alter man/
 Er sprach er wolt mir zaigen an/
 Golt geschehen on allen schad/
 Ir durchleucht vnd auch Fürstlich gnad.
 Mit sampt der zwelff Edlen Knaben/
 Im Hofmeister muß ich sagen.
 Preceptor vnd ander vil mehr/
 Die da ritten inn disem Heer.
 Auß ir Fürstlich Durchleucht Marsta/
 Vier vnd sechzig pferdt ist die zal.
 Der Graf vom Thurn gar wol erkandt/
 Herz Franz also ist er genandt.
 Der hehunder zu diser frist/
 Fürstlich Durchleucht Hofmeister ist.
 Ir Durchleucht Marschalek señ ich wol/
 Darumb ich dir in nennen soll.
 Herz Nicolaß zu Polweil Freyherr/
 Ir Durchleucht Obrister Camerer.
 Graf Aliso zu Rodion/
 Vier hof Cantzler zaig ich auch an.
 Gehaimen Rath ich sag kain mehr/
 Genandt Herz Johann Wellinger.
 Zu Schneberg vnd auß Bachingen/
 Auf Schargast magst auch wol vernen.
 Herz Jerg Poppelolt glauben mir/
 Von Lobenwitz das sag ich dir.
 Verwalter Er zu diser frist/
 Des Obristen Stallmeister ist.
 Hof Camer Rath sag ich dir gleich/
 Genandt Erasmus Handenreich.
 Ain Herz von Bideneck genandt/
 Die Hofrath seind mir wol erkandt.
 Dir nenn ichs nach ainander her/
 Herz Anthoni Schrottenberger.
 Herz Peter zu Radliff ich main/
 Vnd Graf Schweigthart von Helffenstain.
 Desgleichen ain Herz von Schönach/
 Vnd ander mehr. Er zu mir sprach.
 Herz Anthoni vnd auch Freyherr/
 Zu Castelwart vnd auch noch mehr.

Chamerherren.

Zu Agrist ich sag dir kain mehr/
 Vnd auch Christoff Kerenberger.
 Fünff Stamerherren sag ich dir/
 Will dirs all hemmen glaub du mir.
 Julius de Riud wol erkandt/
 Ambrosy Freyherr vom Thurn gnannt.
 Herr Fridrich von Riutiz sag ich.
 Wolff Freyherr von Entzing ich sich.
 Herr Hans Freyherr von Welsperg sind/
 Chamerherren sy allsant sind.

Mundschan-
cken.

Caspar Freyherr zu Wolckenstein/
 Stäbelmaister vnd Rath ich main.
 Die Mundschencken wais ich auch wol/
 Graf Jeronimus von Nagrol.
 Herr Fridrich ainr genennt ist/
 Freyherr zu Castlwarth vnd Agrist.
 Herr Ferdinand genandt Laitzschon/
 Weitter will ich dich wissen lon.
 Ain Eder Herr gnendt Paul Rantzau/
 Weitter soltu von mir verstan.

Fürschneyder.

Fürstlicher Durchleucht will ich neñ/
 Fürschneider dann ich Sy wol feñ.
 Herr Wenzel genandt Nagarisch/
 Auch ander Herren gsund vnd frisch.
 Hans Fridrich von Landeck schon/
 Von Knobelsdorff Maxmilion.
 Peter von Grafensee ich wil/
 Dir ander Herren nennen vil.

Herrn von Adel
aus Schwabe.

Die jr Fürstlich Durchleuchtigkalt/
 Auß Schwaben her in ghorfamkalt.
 Kommen seind vnd ich wol kennen/
 Souil ich wais will ich nennen.
 Graf Carl der alt von Zollern gnannt/
 Graf Heinrich von Lupffin wol erkandt.
 Graf Ulrich zu Müntfort ich kenn/
 Herr Jacob Erbruchsich ich nenn.
 Herr Fridrich Erbruchsich mit ehñ/
 Graf Wilhelmus Herr zu Zünnern.

E ii Graf

Die Ritters
schafft auß
Tyrol.

Graf Wolff von Deting also reich/
Herz Hans von Rechberg des gleich.
Herz Jerg von Fronsperg sich wol helte/
Seim Vatter nach dermass ain Held.
Herz Cunradt von Bümbelberg sag ich/
Herz Christoff Böli ich auch sich.
Graf Albrecht von Sulz ich mein/
Vnd auch ain Herz von Napolstein.
Ain junger Graf von Ewigen/
Weiter gib ich dir zu verstien.
Die Ritterschafft auß ganz Tyrol/
Darauff so magstu mercken wol.
Graf Christoff von Arch ich wol waisß/
Graf Hainrich von Arch inn der raiss.
Graf Felix von Lodion ich main/
Vnd Graf Hainrich von Rutenstain.
Georg Freyherr zu Firneam/
Caspar Freyherr von Spaur der Stam.
Herz Johans Kühn zu diser frist/
Christoff Freyherr zu Welsperg ist.
Maximilian Fugger on spot/
Christoff Moriz von Fels gnant Ott.
Hans Jacob ain Freyherr zu Spaur/
Bernhart Kungel zu diser Aur.
Ist eingeritten vnd Freyherrn/
Graf Sebastian Schlick inn Ehn.
Hieher inn dise Statt auch kumpt/
Herz Ernst von Schleinitz sich nit sumt.
Victor vom Thurn nim eben war/
Hans Jacob Kemner kumbt auch har.
Reinbrecht Handel ich auch vermain/
Bartholome von Liechtenstain.
Vnd auch Hans Hainrich von Brandis/
Christoff von Munteneu gewis.
Freyherr zu Spaur Herz Andere/
Christoff Borsch vnd auch ander mehr.
Hans Borsch soll auch werden genendt/
Marx Lang von Wellenburg erkendt.
Francisc

Francisc von Trautmanßdorff ich nenn/
 Vnd Ferdinand von Glosß ich kenn.
 Carol Rhun hab ich vernommen/
 Selb fünfft werd Er gritten kommen.
 Das seind die Grauen Frehen Herrn/
 Die allsant seind kommen in ehm.
 Zu jr Fürstlich durchleüchtigkeit/
 Seind jr auch all in ghorfam gnaigt.
 Es seind auch ander Herren vil/
 Die ich dir hehnd nennen will.
 Vnd der Herren stand seind gemess/
 Vnd jr Fürstlich durchleücht Truchseß.
 Herr Hans vnd Erbtruchseß zur fund/
 Herr Tänzle genandt Herr Sigmund.
 Joachim von Bonnenwitz gnandt/
 Hans Malowitz vnd auch erkandt.
 Melchior von Welsburg darby/
 Herr Behusla Krifinkst.
 Von Stauffenberg Herr Wilhelm Schenck/
 Albrecht Pitopetzghi ich denck.
 Herr Herdreich Seydlitz von Schönfeld/
 Hans Anthoni von Norberg gmeldet.
 Hans von Regenspurg ich nennen will/
 Vnd ander Herrn vnd Edlen vil.
 Ir Namen ich dir will sagen/
 Ob sy gleich nit ämpter haben.
 Hans Jacob ist der erst genandt/
 Freyherr zu Spaur vnd wol erkandt.
 Melcher Freyherr zu Wolckenstein/
 Auch ander Herren ich vermain.
 Hainricus Pokopitzki gwis/
 Herr Leonel de Brüng nolis.
 Ernst von Reichenberg dermaß/
 Hans Anthoni Hieremias.
 Michel Hainrich von Paurberg sein/
 Regir ain Herr von Vormatten.
 Christoff von Waldenhofen schon/
 Paul Prach will ich dich wissen lon.

E iii Auch

Herren vom
 Adel/die nit
 ämpter habē.

Cardinals
eintritt.

Auch herr Oswald von Wolckenstain/
 Herr Hans von Kanach ich auch main.
 Christoff Ertzabelitzki von Taun/
 Paul Herr von Trilach auch ich main.
 Hauptman Dienhart Recardio/
 Zerg Welfer nenn ich auch dir do.
 Von Annenberg Herr Anthont gmandt/
 Vnd noch vil Herren mir erkandt.
 Herr Ulrich Spet er du mir sprach/
 Bernhardt Schad von mittel Bibrach.
 Jeronymus auch wol erkandt/
 Von Gerelheck ist er genandt.
 Hans Frölich solt du glauben mir/
 Doctor der Erkney seind ir vier.
 Von mir so hab also für güt/
 Ich dancket im zoch ab mein hüt.
 Das er mir souil hatt anzaigt/
 Er sprach ich bin dir weitter gnaigt.
 Wenn der Cardinal reittet ein/
 So will ich dir auch bhilfflich sein.
 Darnach am Mittwoch vor dem mal/
 Kam von Augspurg der Cardinal.
 Mit vilen Herrn Ritter vnd Knecht/
 Hab ich die sach verstanden recht.
 In aigner Person wol erkandt/
 Von Bapstlicher hayligkeit gsandt.
 Ich kam darzu da eben gleich/
 Vnd sach den Herren tugentreich.
 Gar freündelich Er da vmb sich sach/
 Ir Fürsilich Hochwürid ich da sprach.
 Hat warlichen kein hochfart nit/
 Wie es dann in der welt ist sit.
 Sy ist frumb vnd auch tugenthafft/
 Auch alle ire Ritterschafft.
 Der mir etlich wurden erkandt/
 Vnd auch von Ehmelütten genandt.
 Ir hochwürid Marschalck kenn ich wol/
 Darumb ich in hie nennen soll.

Vnd

Und auch ihren Herrentwoler erkandt/
 Von Königseck seind sy genandt.
 Herr Marquart und Herr Ulrich ist/
 Wie mir anzeigt am Thumheri ist.
 Herr von Stauffen sach ich so reich/
 Herr Adam ist Thumheri des gleich.
 Ir durchleucht Statthalter ich sich/
 Pfleger von Rottenberg sach ich.
 Ir Hochwürdt Doctor und Medicus/
 Der Hauspfleger bleibt auch mit vs.
 Sunst Vogt und Pfleger wie ich man/
 Von Pfaffenhausen und Hornstein.
 Zu Donnenburg und Bobingen/
 Ir namen kan ich nit vernem.
 Philippus und Diepoldt vom Stain/
 Leutkircher gnandt als ich vernam.
 Bruno von Hornstein Rundersbach/
 Ander Herren ich auch wol sach.
 Hardsen Lörenberg und Welden/
 Hornstein Zardorffer thün ich nennen.
 Von Sturm von Hausen Wolf Vetter/
 Schilderer und Westerstetter.
 Ich nenn Balchhauser Barenssy/
 Vier Edel Knaben auch darby.
 Ir Preeptor und Herr Heinrich/
 Herr Benedict Jörg Stammbrech sich.
 Gaspar Leinckhr ich nennen will/
 Es seind ir auch sunst gewesen vil.
 Hofgesind vom Adel und knechte/
 Das ich ir Namen weiß mit recht.
 Die Pferdther ich da zelen all/
 Vier und hundert was da die zal. 104
 Darneben hab ich auch vernommen/
 Graf Wilhelm von Zimmern soll kommen.
 Darneben thet man mir sagen/
 Das da kommen ihren Burgwagen.
 Herr Gubernator kum in am/
 Auch Herr Jerg Müller ich vernam.
 E iij Und

Erzhertzogs
Carls einrüt.

Vnd auch ander Wägen vil mer/
Die auch mit furend in dem heer.
Fußgehind hab ich auch gezelt/
Nicht mehr dann neün/wann es nit felt.
Ewer Maiestat ghorfambst sag/
Freytages den mornigen tag.
Hör ich trummeten her trummen/
Da ist Erzhertzog Carl kummen.
Das volck lieff hin wol zu dem thor/
Da was jr Durchleucht gleich daruor.
Da kam der alte zu der frist/
Vnd sprach so vil mir müglich ist.
Will ich dir geben zu verstou/
Wie man es mich hat wissen lon.
Hat jr Fürstlich Durchleuchtigkait/
Leibpferd die seind so schön bereit.
Vil Kamerwägen klein vnd groß/
Aussert der andern Wagen roß.
Vol fünff vnd sechzig ist die zal/
Wie starck die Herzen dises mal.
Kummend geritten on gefahr/
Will ich dir machen offenbar.
Gaspar von Vels Rhat vnd Freyherr/
Jr Durchleucht obrister Camerer.
Carl Ludwиг Herz von Zelting gnendt/
An jr Durchleucht hof wol erkendt.
Rhat vnd obrister Stallmaister/
Gehaimmer Rhat vnd Camerer.
Gaspar Preiner Freyherr erkendt/
Gehaimmer Rhat Hof President.
So gib ich dir auch hie zverstehn/
Rhat vnd Landtschauptman in Lärndten.
Gehaimmer Rhat vnd wol erkandt/
Jerg Rheuenhüller er genandt.
Freyherr vnd auch gar ehrenreich/
Herz Hans Georg Mordax desgleich.
Zu Parttendorff sein Namen stat/
In der Hof Camer ist Er Rhat.

Von

Von Thonberg Maximilian/
 Hofrath so thut sein namen stolt.
 Herr Hans Corventzel von Proßge/
 Gehaimmer Hof Secretare.
 Rath vnd auch Comentur ich main/
 Anthoni Freyherr Herberstein.
 Guardi Hauptman vnd auch ain Rath/
 Sein nam also geschriben stahet.
 Herr Hans Victor von Stambis zur frist/
 Rath vnd auch Stäbelmaister ist.
 Wolff Herr von Stubenberg sag auch/
 Ehnfried Graf zu Dittenburg reich.
 Pangraf von Windisch Grätz Freyherr/
 Mouz vom Thurn gefreyt auch Er.
 Matheis Hofer ich nennen darff/
 Desgleichen Ott von Ratmansdorff.
 Lienhart von Kreibach ist geheür/
 Jacob von Gleich ist kommen theür.
 Georg von Solaus gnandt Wähler/
 Verwalter Stallmaister ampts ist Er.
 Jacobus Zäch ain Edler Herr/
 Andre Walleßch vnd ander mehr.
 Daniel Rhün nenn ich zur stund.
 Römer Mareßch Christoff Sigmund.
 Ir gnaden neht zu diser frist/
 Ain Comentur zu Neülberg ist.
 Georg Graf zu Nürn kenn ich wol/
 Vnd auch Georg Graf zu Nagrol.
 Ruprecht Freyherr zu Herberstein/
 Fridrich von Fuchßenberg ich main.
 Maximilian Schrottenbach/
 Auch ander Herrn ich da wol sach.
 Joseph von Rhunach ich dir sag/
 Herr vnd Comentur zu Suintag.
 Ludwig vom Thurn Freyherr ist Er/
 Ferdinandus genandt Wähler.
 Von Solaus gar ain Edler Herr/
 Falckenmaister ich sag dir mehr.
 Bartholomeus

Truchßßen.

Die Landleute.

Bartholomeus Keuenhiller/
Wie obgenandt Sy seind Freyherr.
Christoff Conzin der kumbt auch schnell/
Ich will dir nennen Wolff Zwickel.
Johann Hainrich Herz von Brandis/
Gabriel von Gollenischt gwis.
Gottfrid Preßner Freyherr: ich nenn/
Hainrich Zobel den ich wol kenn.
Zipion genandt Formatin/
Nun merck wer die Truchßßen sin.
Zwen Herren seind mir wol erkandt/
Bed Freyherrn zu Bels genandt.
Christoff Moutz so haist der ain/
Carol der ander wie ich main.
Philipp Herz von Lamberg so güt/
Caspar Kebinski wol gemüt.
Herz Jbolit gnandt Neuoland/
Sigmundus Welzer sich ich zhand.
Gunnradt von Thanhausen ain Herrn/
Albrecht Beysstain ja auch in ehm.
Jacob Kösch Pfenningmaister war/
Johann Baptista Leonbar.
Quattier vnd Postmaister Er ist/
Jacob Gensßberg zu diser frist.
Durchleucht Hof Cantalor ist Er/
Merck vnder Silber Camerer.
Hans Naudacher wirt Er genandt/
Adam Gabelhofer erkandt.
Auff der Camer so dient er wol/
Das ich in billich loben soll.
Die Landleut ich auch nennen will/
Gantz wol gerüst vnd irn vil.
Georg Freyherr zu Herberstain/
Ruprecht von Gleinitz ich auch main.
Wilhelm von Ernaw sicherlich/
Andie Venus fürwar ich sprich.
Zwen Freyherrn sich ich hie zu handt/
Hans von Aursperg ainem genandt.

Jerg

Zerg Lamberg der ander genandt/
 Noch seind ir zwen gar wol erkendt.
 Ich nenne dir Bernhardt Nadler/
 Vnd auch Erasmus Stadler.
 Von Lamberg Maximilian/
 Auff mich so soltu mercken schan.
 Ich nenn Seyfrid von Dietrichstain/
 Mögend wol kommen als ich main.
 Von Halleneckh Herr Friderich/
 Christoff von Eckenberg ich sich.
 Seyfrid Leyniger Victor Welker.
 So seind ir mehr auch kummen her.
 Georg von Sigelsdorff bekandt/
 Lorenz von Landert genandt.
 Von Himmelberg Hans Lienhart ghandt/
 Cosman Rauber Zerg Barbo zhandt.
 Ich nenn Moritz von Dietrichstein/
 Herr Hans Georg von Greiffen sein.
 Hoffen ich Sy werden kummen/
 Noch hab ich Sy nit vernommen.
 Das ist besteltes Hofgesind/
 Herrn vom Adel ich dir verkünd.
 Biervol Sy nit ämpter haben/
 Will ich dir ir Namen sagen.
 So lüg vnd sich gar eben drauff/
 Vnd das dus fleißig schreibest auff.
 Michel Zegkel Freyherr glaub mir/
 Hans Gillis will ich nennen dir.
 Von Reuenburg herr Hans Rüdrich/
 Marko Colorado merckts recht.
 Georg Geller veräumbt gar nichts/
 Hans Joseph genandt Vinckenwitsch.
 Helffrich Preißner Freyherr ich main/
 Vnd am Edler Herr von Bernstain.
 Furio Malga verstahn ichs wol/
 Jacob von Rüttenhofen soll.
 Nennen vnd auch herr Hans Saurman/
 Waitters so soltu mich verstahn.

Andie

Wenn es Adel
 die mit ämpter
 haben.

Andie Newhaufer den kenn ich/
 Ulrich Zernitz den ich auch sich.
 Ich kenn auch Wolfgang Schnitzbaum/
 Ich wais nit ob er kumbt diumb scharw.
 Wolffgang Kehl auch hie vermain/
 Vnd auch Johans von Dietrichstain.
 Desgleichen Bernhart von Quadrian.
 Surquinus Formenbain auch schan.
 Dauidt Hegerer ich auch sprich/
 Ferdinand Henland wol sich.
 Hans Jacob Emser ist auch da/
 Vnd Alexander von Bera.
 Ja ain Quardi war da zu R.ß/
 Es warn Hartschier seind reittes gnos.
 Wie gfallens dir vnd mich anfach/
 Warlich gank wol ich zu im sprach.
 Ain gwaltiger Fürst muß das sein/
 Red ich wol auff die treue mein.
 Das es mich wundert also sehr/
 Welches das sey das grösser heer.
 Der zwayen b.üder wißt ich gern/
 Magst wol erfarn wilts nit entbern.
 Weil der pferden magst wol fragn/
 Desgleichen müst du auch acht habn.
 In Wägen Gutschen oberal/
 So würst finden ain grosse dal.
 Dann hezunder irend wirs nit zeln/
 Darumb wirs lassen bleiben wölln.
 Vnd wölln ordenlich scharwen sein/
 Ja wa die Herren ferend ein.
 Dain ich dich des berichten will/
 Es kommead noch grosser Herrn vil.
 Aber kainer mehr der geleich/
 Seind Ert. hertzog zu Osterreich.
 Von Kayserlichem stam geborn/
 Kumen hieher on allen zorn.
 Hertzogen Albrechten zu Ehrn/
 Ist diser Statt vnd Landts ain Herrn.
 Hertzog

Herzog Wilhelm gibt Er zur Ehe/
 Wie du ain Fürstin ghört hast che.
 Es werden ain Gortvil die frummen/
 Sich fröwen wenn sy sehn kummen.
 Gleich auff den selbigen Aben/
 Sach ich zwen Herrn müß ich loben.
 Auß Gütlich so warn sy her gesandt/
 Ir nam ward mir auch da bekandt.
 Ott von Biland laßt sich kennen/
 Jerg von Ramberg hort ich nennen.
 Kummnen seind sy gar wol geziert/
 Wie es sich inen dann gebürt.
 Gleich wol auff den Morgenden tag/
 Der Fürst von Wirttenberg ich sag.
 Herzog Eberhardt ist Er gnandt/
 Von seinem lieben Vatter gsandt.
 Mit sambt ir gnaden Hofgesind/
 Vier Edel Knaben ich da find.
 Hans Stuck Hofmaister Vittawer/
 Eberhart Karpff vnd David Ecker.
 Christoff von Bretto vnd Wendel Vol/
 Besand hab ich gesehen wol.
 Ain Medicus de Josua/
 Hans Rot von Pfird zaig ich auch an.
 Sittig Hofmarschalck Berlibs gnandt/
 Jacob von Hoheneck erkandt.
 Erasmus Loinger zu hand/
 Jordan Jegermaister verstand.
 Alshelm Lennpzig vnd Otta Pflüg/
 Nicolaus Darnstat red ich mit jüg.
 Jerg Dachsberger vnd Cunrad Thum/
 Wolff Auer vnd Hirschhorn so frum.
 Wilibaldus gnandt Brumiller/
 Vnd auch Samuel Reischacher.
 Hans Jerg Badiman vnd Imperger/
 Alnspernig kamen auch daher.
 Junawitz Jeliz vnd Ochsenstern/
 Brattenbach vnd Aurbach sich ich gern.

M Das

Herzog Eber-
harts einritt.

Das seind Junckern merck du recht/
 Auch viersehen Vinspennig knecht.
 Ruchinmaister Ruchinschreiber/
 Koch Keller Silber Kamerer/
 Precht Kamerer vnd auch Furer/
 Küstmaister vnd Trummeter schier.
 Graf Wolff von Hollach nennen sol/
 Graf Eberhart von Hollach wol.
 Graf Jerg von Tübingen ich main/
 Vnd auch Graf Wolff von Lochenstatin.
 Graf Hainrich von Castel genandt/
 Gotfrid von Limpurg auch erkandt.
 Zwen Schencken von Limpurg ich nenn/
 Hainrich vnd Hans ich bald sand kenn.
 Wilhelm herz von Handeck nenn ich/
 Bernhart Kot den ich auch wol sich.
 Ain herrnsich ich wirt Blmer gnandt/
 Hainrich herz von Nerspurger erkandt.
 Bernhart von Stain den kenn ich wol/
 Rünz von Welsperg ich nennen sol.
 Wolff von Harten ich wissen sett/
 Desgleichen auch Wolf von Diersfett.
 Hans vom Stammen den ich wol waiss/
 Ebrafrid Sanfft auff diser raiss.
 Hans Goler wirt von mir auch gmelde/
 Vnd auch Christoff von Zegerfeldt.
 Zwen Herrn von Thun nenn ich dir gleich/
 Cunradus vnd auch Fridereich.
 Hans Ludwig Spät thun ich nennen.
 N. Sturmfeder thun ich kennen.
 Zwen von Kaltenthal auff diser fart/
 Ich nenn Sy Caspar vnd Reynhart.
 Melchor Ludwig vom Nervenhaus/
 Christoff von Dolham ghritten auß.
 Fridrich von Nippenburg ich main/
 Vnd auch Bernhart von Libenstein.
 Wolff von Rutenberg ich wol sach/
 Vnd auch ainen von Nassenbach.

Herr

Herr Ludwig von Nerenhausen/
 Ain Nothafft last im nit grausen.
 Ich sach Christoff von Behigen/
 Philipp den soll man auch vernen.
 Von Behigen vnd Wolgemüt/
 Hans Georg von Fronberg so güt.
 Ich nenn auch Doctor Josua/
 So ist der Secretari da.
 Ir seind nit mehr müß ich sehen/
 Ich hab dann eilich vbersehen.
 Ain Frentag nach mittages zeit/
 Kam die Fürsilich Hochwürdigkeit.
 Bischoff von Saltzburg Hochgeborn/
 Mit vilen Herren außerkorn.
 Herr Thumbdechant Herr Fugger gleich/
 Herr Landtshauptman Herr Sankler reich.
 Herr Sigmund von Lamberg ich sach/
 Vnd den Herrn Marschalck gleich hernach.
 Hans Wolfart Obereckr selb durt/
 Georg von Rhienburg nenn ich mitt.
 Gaspar Batmner sage ich wol/
 Carl Frölich ich auch nennen sol.
 Hans Panimer Doctor Melchior/
 Willibaldus von Haunspurg vor.
 Ain von Lamberg hab ich gsehen/
 Ain von Hausen müß ich sehen.
 Christoff Weytmoser ich wol kenn/
 Ainer von Laffern ich auch nenn.
 Chamerschreiber vnd Stallmaister/
 Christoff Rhin vnd ain Priesinger/
 Ain Stainhauff vnd Einsidel wol/
 Wie ich vermain auch kummen sol.
 Oberäckher vnd ain Caplan/
 Ain von Alspurg so wol gethan.
 Reymeter wirt auch kummen her/
 Von Höff der Silber Chamerer.
 Ruchenmaister vnd Schneck Furier/
 Vnd Ainspennig knecht seind ir vier.

M ii Trummeter

Bischoffs von
Saltzburgs
eintritt.

Trummeter Schmid vnd Hofgind vil/

Das ich hie nit erzelen will.

Also seind geritten kummen/

Ist gewesen inn ainer summen.

So ich soll die warhait sehen/

Hundert vnd darzu sechzehnen.

Es ist gleich auff den selben tag/

Polnische bots
schafft.

Die Polnische Botschafft wie ich sag.

Auch kummen vnd geritten ein/

Herr Dietmar gnandt von Rosenstein.

Alin Freyherr vnd darzu auch Rhat/

Der Kaiserlichen Maiestat.

In Osterreich gar wol erkandt/

Mit sampt sein Sun herr Bernhart gnandt.

Mit vier vnd zwainzig schöner pferde/

In grossen ehren der Er ist werdt.

Ich lob den Herren also schon/

Dann Er hat mir vil gûts gethon.

Auch ander Herren seind ghutten mit/

Der will ich auch vergessen nit.

Herr Wsinus von Storchenberg gûte/

Jung Sigmund Schiffer wol gemûte.

Von Zinzerßdorff ain Herr genandt/

Alexander vnd mir erkandt.

Junger herren so seind es drey/

Von gutem Stam mit stolz darbey.

Wie es dann erwan wol geschicht/

Weitter so bin ich vndericht.

Sächsische
botschafft.

Des Herzog Augustus Churfürst/

Den allezeit nach ehren dürt.

Sein gesandten sehend kummen/

Bei dem Namen auch vernommen.

Graf Günther ward Er da genandt/

Von Schwarzenburg vnd wol erkandt.

Mit vierzig pferden ghutten ein/

Laß mirs ain ehlich botschafft sein.

Keydelbergs
botschafft.

Churfürst von Handelberg reyt ein/

Selbs nit aber die Botschafft sein.

Schön

Botschafft von
Baden.

Botschafft von
Florenz.

Augsburg vnd
Nürnberg ge-
sandten.

Hispanische
botschafft.

Schön geziert ordentlich vnd wol/
 Sy billich ich auch loben soll.
 Darmit Sy dest besser werd erkandt/
 Herr Fridrich von Lünzburg genandt.
 Die Fürslich Botschafft von Baden/
 Reut auch ein on allen schaden.
 Herr Langenmantel ward Sy gnandt/
 Sonst wer Sy mir gar vnerkandt.
 Müß Ewr Maiestet bekennen/
 Florentzisch Botschafft hört ich nennen.
 Troilus Bisinus genandt wurde/
 Sein gschlecht das ist vor Christ geburt.
 Gewesen ist warlich kein mehr/
 Vnd kumbt wol von den Römern her.
 Augsburg vnd Nürnberg gesandt/
 Ward gleich den selben tag verhandt.
 Statthalter Peüttinger genandt/
 Zu Augsburg ist Er wol erkandt.
 Von Nürnberg Jerg Volckhamar/
 Desselben tags ist kommen dar.
 Hispanisch Botschafft ist nit gmelte/
 Graf Carl von Zollern ward erwölte.
 Ich preiß den Herren vnbeschwerdt/
 Er hats beschuldt vnd ist sy werdt.
 Ir gnad hat sich auch brauchen lon/
 Wie Ewr Maiestet noch soll verston.
 In dem gedicht oder schreiben/
 Nekund will ichs lassen bleiben.
 Vnd Ewr Maiestet zaigen an/
 Wie man thon hat die Braut empfan.
 Wie das geschrey inn d'Statt kam zhand/
 Es wer die Braut schon auff dem Land.
 Da rüß sich Fürsten Herrn vnd Knecht/
 Zum aller besten vnd nit schlecht.
 Desgleich die Burger inn der Statt/
 Von ain Ersamen Weyßen Raht.
 Verordnet Hauptleut vnd Fendrich güt/
 Zugen hinaus mit freyem müt.

Mit Mit

Braut wagen.

Mit den Fürsten so tugentrich/
Am Wagen hab gesehen ich.
Ich kan nicht vnderwegen lan/
Sein schön vnd hier zu zaigen an.
Die Maister die in haben gmacht/
Seind lebens werdt hab ich gedacht.
Dann Sy ir Kunst schön dran probiert/
Vnd in mit irer arbeit ziert.
Der Wagnr hat nichts übersehen/
Der Bildschnitzer muß ich sehen.
Der Schmid hat auch sein bests gethon/
Den Maler ich vnglobt nit lon.
Den Niemer Goldschmid vnd Schneider.
Vnd auch andre Handwerker mich.
Die da ir arbeit hond verbracht/
Das diser Wagn ist worden gmacht.
Nun zaig ich an zu diser frist/
Wie lustig Er gezieret ist.
Vier Löwen warn schön übergülbt/
In taken heder hatt ain Schildt.
Die zwen die da stünden herforn/
Das Bayrisch wappen außerkorn.
Kunstlich gmalet thet ich finden/
Die Löwen die da stünden hinten.
In iren Schildten was geziert/
Am wappen wies Luttringen ziert.
Sy hetten mich gar nach erschreckt/
Mit ainem guldin stuck war deckt.
Der Wagen ordenlich vnd fein/
Inwendig roten Charnassein.
Die Rüssin mit rot Sammat gmacht/
Ich hab sy gnunnen fleissig acht.
Sechs schöner Geül die warn schön weiß/
So lustig ziert das ich sy preis.
Von rotem Sammat Siln vnd Strick/
Es war ain lust der es anblick.
Mit guldin Spangen beschlagen/
Auch guldin Frantz soll ich sagen.

Zwen

Zwen Fürknecht warn gar schön bekleidt/
 Gantz roten Sammat hond Sy treit.
 Ich will bey meinen trewen sagen/
 Das ich kain solchen zierten Wagen.
 Warlichen alle meine tag/
 An kainen ort nit gsehen hab.
 Vnd bin vil Fürsten hof außzogn/
 Aber so lustig vnd geschmogn.
 Hab ich warlich vor nit gsehen/
 Ich thet selber zu mir sehen.
 Was mag er auch gestanden sein/
 Ich rede auff die trewe mein.
 Ich dorfft nit ich hett sunst gefragt/
 Wiewol mirs gleich het niemañts gsagt.
 Vnd mir wol dorffen antwurt geben/
 Ich wer ain grosser Narr darneben.
 Vnd ansahen meiner zu lachen.
 Ob ich auch ainen wolt lon machen.
 Des hett ich mich geschämbt so hart/
 Besser dein fragen bleib erspart.
 Man hat in also schön geziert/
 Hinauß der Braut entgegen gfiert.
 Wie Ewr Kaiserlich Maiestat/
 In hie wirt sehen Gunterstat.
 On gefahr auff ain halbe mehl/
 Ich lieff hernach inn schneller ehl.
 Fand zwü Zellen auff geschlagen/
 Dreissig schritt weit müß ich sagen.
 Des messens mich gar nit verdross/
 Die Zellen warn schön weiß vnd gross/
 Mit blawen strichen schön gethon/
 Zway schöne Wappen sach ich ston.
 Gleich wie am Wagen angezaigt/
 So lustig vnd gar schön beraidt.
 Innwendig hatt es mich nit birogn/
 Mit rotem thuch gar schön umbzogn/
 Vnd mit bretter gar wol besleckt/
 Von ainr Zell zu der andern gestreckt.

M iij Schönes

Büchsen vor
der Statt.

Brautwagen
aus Lutrings.

Die Braut sitzt
auff ainē Klep-
per.

Schöne Zwirch vnd gemacht ain gang/
Mit blawen strichen schön vnd lang.
Schönes rots thüch auff dem boden/
Von ainer Zell zur andern zogen.
Ich sach auch hinter mir zu ruckh/
Von Büchsen manichs schönes stuckh.
Zwelfff stuck wurden Maurbrecher gnaht/
Dreissig Notschlangen wol erkant.
Meh: vierzig stuck klain vnd auch groß/
Darnach darauß man dapffer schoß.
Wie die Braut nur empfangen ward/
Als nach Fürsilichem sitt vnd rath.
Wie nun Herzog Albrecht inn Ehn/
Mit dem Brütigam vnd ander Herrn.
Seind sy bedsand abgstanden gleich/
Bed Erzherzog zu Osterreich.
Mit sampt anderen Herren sein/
Vnd giengend inn die Zell hinein.
Vnd haben auff die Braut gewart/
Dann sy ward nahend auff der fart.
Im selben kumbt Herr Marschalck gschwind/
Das Betten brot Er da gewindt.
Dem Brütigam zaigt Er an bey zeyt/
Braut wer verhandt ist nit meh: weyt.
Darab Er grosse freud empfieng/
Wie ich nun ain klain weitter gieng.
Sah vil Reitter vnd auch Wagn/
Ain gütten freünd den thet ich fragn.
Der mit jnen was kummen her/
Inn welchem wagen Braut da wer.
Er sprach zu mir gantz vnbetrogen/
Mit rotem Samat über zogen.
Da nun die Braut nit weit meh: war/
Vnd so nach was da kummen dar.
Des Wagens hett sy sich verzign/
Vnd ist daruon hinunder gftign.
Da hatt man zu ir bald gefiert/
Ain braunen Klepper schön geziert.

Vmb

Vmb vil gelt ist er worden gschickt/
 Darauff man In dann hat gesetzt.
 Den Zelten zu ist In ghitten/
 Lieblich nach Fürstlichem sitten.
 Ist In gewesen schön geziert/
 Wie es ain Fürst wol gebürt.
 Der Rock scheyn von gold schön hymmer/
 Desig'eich jr ganz Frauen hymmer.
 Was geiert das ichs muß loben/
 Mit schöner tracht angezogen.
 Von Gold vnd Berlin schön geschmuckt/
 Wie In nun schier herzu seind gbruckt.
 Da ist die Braut zur selben stund/
 Mit dem Herzog von Badenmund.
 Abgestigen von irem pferd/
 Mit sampt seinem Gemaheln werd.
 Vnd auch ain junges Töchterlein/
 Vnd der Braut Schwester züchtig sein.
 Siengend da in die ander Zelt/
 Wie ich dann hab vorhin gemelt.
 Das der Zellen sein gewesen dwo/
 Mit gutem fleiß auffgeschlagen do.
 Darnach hat man nit gewartet lang/
 Hinauß zum Zelten auff dem Gang.
 Der Bräutigam mit seim vatter reich/
 Die Braut thet auch desselben gleich.
 Da ist es Fürstlich zu gangen/
 Der Bräutigam die Braut empfangen.
 Warlich so gar mit grossen ehre/
 Mit seinem vatter Fürsten Herrn.
 Ain Edler Herr gar wol geborn/
 Genandt Graf Carl von hohen Zorn.
 Oder Zollern wie mans auch nenut/
 Ir Gnad die ist gar wol erkendt.
 Des Königs auß Hispanen gnandt/
 Vorschafft vnd auch dahin gesandt.
 Mit vil Edlen Ritter vnd Knecht/
 Vnd so ichs hab verstanden recht.

Hab

Die Braut
führt man in
die Zell.

Auf dem gang
gieng man zu
samen.

Graf Carl von
Zollern hat die
Braut empfan
gen.

Hab ich bey jr Gnaden gsehen/
 Bil vom Adel muß ich jehen/
 Marquart von Freyberg kenn ich wol/
 Christoff Wendel von Breget sol.
 Den selben soll ich nennen doch/
 Dann Er ist vogt zu Haigerloch.
 Ich nennen Hainrich Hagenman/
 Vogt zu Bernstain soll man verstan.
 Martin vnd Jochim von Hausen/
 Lassend jnen bald nit graussen.
 Mar: in von Rechingen ich nenn/
 Vnd ander mehr die ich nit kenn.
 Die im zu hand all ghorfam warn/
 Der Edel Graf so wol geborn.
 Hat gar gut Franckösisch geredt/
 Wie Er die Braut empfangen het.
 In namen der grossen Herrn alln/
 Das menigklich hat wol gefalln.
 Antwort gab zu derselben stund/
 Der Hertzog gnandt von Badenmund.
 Mit zierlichen Worten es zügieng/
 Fürstlich man ainander empfieng.
 Wie man ainandern empfangen/
 Da ist das Geschütz abgangen.
 Wie ichs dann hab vorhin gemellt/
 Es hat dapffer vnd lustig knellt.
 Das sich das Erdtrich hat bewegt/
 Vnd mich warlich sehr hart erschreckt.
 Mit schiessen war ain solch rümmner/
 Mich wundert das das Frau hymmer.
 Warlichen zu derselben frust/
 Nit vil herter erschrocken ist.
 Darnach Graf Carl von Zollner gemellt/
 Hat geführt die Braut wol in die Zell.
 Darnach so hat man dar gefiert/
 Den schönen Wagen wol geziert.
 Die Braut so gar mit grosser zier/
 Darnach darein gessen schier.

Herzog von
 Badenmund
 gibt antwort

Der

Einritt in die
Stadt.

Herr Marschalck.

Der Fürst vnd Bräutigam vnbeschwerdt/
 Gassen wider auff ire pferdt.
 Auch die Fürsten auß Osterreich/
 Vnd ander Herrn desselben gleich.
 Der Statt seind Sy da zugeruckt/
 Gank wol geziert vñ schön geschmuckt.
 Ich sach auch ain Herrn wol erkandt/
 Carl von Frauberg ist Er genandt.
 Zu Frauberg auch desselben gleich/
 Vnd des heiligen Römischen Reich.
 Erbritter vnd zu diser frist/
 Des Fürsten auß Bayern Marschalck ist.
 Der Herr hat ghandlet also wol/
 Das ich in billich loben sol.
 Dann Er darzu ist außertwilt/
 Ain schöne ordnung hat Er gstelle.
 So zierlich vnd so ordenlich/
 Ich kan nit für im lob verglich.
 Dann Er sich darnach hat gehalten/
 Das im von jungen vnd alten.
 Billichen wirt preis versehen/
 Noch ainen Herrn hab ich gsehen/
 Caspar Egloff Er gnennet ist/
 Vnd Füttermayster zu der frist.
 Nun will ich ganz gehorsam schon/
 Ewre Maystet geben zu verston.
 Wie der Einritt ist geschehen/
 Vnd was ich selb nit hab gsehen.
 Das ist mir worden angezaigt/
 Darumb in ghoisam bin bereit.
 Sollichs auch da zu zaigen an/
 Zu dem Erst ich gsehen han.
 Herzog Albrecht Ainspenning knecht/
 Wann ich ir Hauptman kennen recht.
 So ist Er Cunrat Vogt genandt/
 Ben Fürsten Herren wol erkandt.
 Herzogs Eberharten so reich/
 Habend hernach genolget gleich.

Wann

Ainspenning
knecht.

Warn alls and inn ain farb bekleidet/
 Der Braut hatt mans zu Ehren treit.
 Schwarze Röck ich schawets mit fleiß/
 Ain Ermel Leibfarb vnd auch Weiß.
 Gefirt wol auff der linken Seyt/
 Also Federn wie man einreht.
 Hab ich hernach gesehen recht/
 So seind des Cardinalen Knecht.
 Hernach geuolget inn der zal/
 Teütschen Maisters von Mergenthal.
 Gleich hierlich drauff geritten sind/
 Inn der zal ich warlichen find.
 Darnach so seind geritten gleich/
 Erzherzog Carls von Osterreich.
 Auff dise seind geritten zhand/
 Des Erzherzogen Ferdinand/
 Das seind alls and gewesen knecht/
 Lustig geziert fürwar nit schlechte.
 Alles nach Fürstlichem sitten/
 Trummeter seind vor geritten.
 Vnd geblasen so maisterlich/
 Darnach ich auch wol reitten sich.
 Edel knaben gar schön vnd werde/
 Die ritten sogar schöne Pferde.
 Ist es wie ich hab vernommen/
 Seind etlich auß Naples kummen.
 Auß Hispanien auß Franckreich/
 Ich hab jr nit vil gesehen gleich.
 So hurtig rund vnd wol formiert/
 Dazü warn sy auch schön geziert.
 So warn die jungen darauff schon/
 In eytel Sammat angethon.
 Von Federbusch ain schöne zier/
 Gulden Ketten ich sag wol vier
 Malen vmb den leib gezogen/
 Riß vnd Maß was schön geschmogen.
 Es ist ain lust derschawen soll/
 Der Hochgelobte Adel wol.

Neapolitanische
 Pferde.

Der hochgelobte
 Adel.

38

Ordnung der
Fürsten im
eintritt.

Ist gleich auff dise zier gritten/
 Zierlich nach des Adels sitten.
 Vor inen hin Trummeter güt/
 Ir schall macht da vil freud vnd mü.
 Desgleichen auch die Heertrummen/
 Darnach seind die Fürsten kummen.
 In ainer ordnung ordenlich/
 Den Herzog Ferdinand ich sich.
 Herzog Eberhart tugentreich/
 Reyt nebendhalb jr Durchleucht gleich.
 Darnach reyt Erzhertzog Caroln/
 Die Künigklich botschaft auß Poln.
 Reyt neben jr zur lincken gleich/
 Darnach sach ich dien Fürsten reich.
 Den Teütschen Maister nenn ich zhand/
 Der reyt wol zu der rechten hand.
 Nebend im Herzog Wilhelm gleich/
 Sein liebster vatter tugentreich.
 Ich preiß die Fürsten also werdt/
 Biewol Sns von mir hand nit bgert.
 So hab ichs von mir selbs gethan/
 Vnd habs nit künden vnderlan.
 Ich hab auch gsehen zu der stund/
 Den Herzog gnait von Badermünd.
 Desgleich Erzhertzog Ferdinand/
 Ist gewesen der Fürsten stand.
 Darnach der Wagen schön geziert/
 Darinn man dan die Braut hat gfiert.
 Schön Juncfrawen seind geritten/
 Auff schön Kleppern nach irn sitten.
 Sfrawen Zimmer mit grosser zier/
 Sach schöner Wagen mehr dann vier.
 Der Braut Mütter ain Fürstin hoch/
 Wie starck dieselb hernach har zoch/
 Auß jr Fürstin gnaden Marstall/
 Warend der Pferd wol in der zal.
 Ir Ritterschafft auch zaigen an/
 Gar eigentlich ob ich ächt kan.

Der Braut
Ritterschafft.

N Der

Der Herz von Nibolzkirchen gñandt/
 Ins Fürsten Chamer wol erkandt.
 Wilhelm Freyherz zu Gittingen/
 So gib ich weiter zu verstehn.
 Der Herz von Gastelet gñandt Er/
 Ist Xhat vñd auch ain Chamerherz.
 Bernhart von Lüsselburg main ich/
 Ist Xhat vñd Chamerherz desglichen.
 Wilhelmus Krantz von Seyßboldshaim/
 Xhat Chamerherz Amptman ich main.
 Der von Gallioth Hofmaister/
 So ist auch mit herkommen der.
 Amptman zu Badmünd von Jassi/
 Der von Krotted auch was darby.
 Sant Johannes orden Er ist/
 Ain Commenthur zu diser frist.
 Der von Braubach ist Chamerherz/
 Mit sampt sein Sun vñd ander mehr.
 Ain Chamerherz gar wol erkandt/
 Balemünd von Saur ist Er gñandt.
 Ain Herz von Taugerin zur frist/
 Der Prinzessin Er Marschalck ist.
 Der von Kallort ist Stallmaister/
 Noch warn jren sibem auch im her.
 Ir Taufnam hort ich nit nennen/
 Bey jrem Gschlecht muß mans kennen.
 Von Armeiffes wirt gñandt der ain/
 Von Kantovili ich vermain.
 Von Anderoile ainr verhandt/
 Von Dampmarday ward ainr gñandt.
 Von Viller ain höit ich nennen/
 Gellrisch Zuneßherm thät man kennen
 Vñd auch Herz Chrißtan von Nerbeiß/
 Nit mehr vom Adel ich da weiß.
 Secretari vñd Officier/
 Ain Medicus der herz Campier.
 Secretari Licentiat/
 Sein Nam also geschriben stae.

Franciscus

Franciscus Matheus genandt/
 Hans Pernet ist auch wol erkandt.
 Princessin Secretarius/
 Ich nenn die Herrn mit vmb suß.
 Sy seind gewesen vnuerdrossen/
 Nach sechs vnd zwainzig auff Rossen.
 Das ist der Fürstin Hofgesind/
 Die mit der Braut dar kummen sind.
 Ain schöner Einritt istz gewesen/
 Fürsten Herren außerslesen.
 Grauen Freyherren vnd Edelleüt/
 Ich glaub es sey gar lange zeit.
 Bey kainen Fürsten nit gsehen/
 Hab ich von manchem hörn sehen.
 Wie nun die Fürsten vnd auch Herrn/
 In d'Statt seind kummen in groß ehren.
 Zu der Kirch bey vnser Frawen/
 Haben Sy die wöllen scharwen.
 Stigend ab das müß ich sagen/
 Desgleich die Braut ab dem Wagen.
 Vnd giengend in die Kirch hinein/
 In der ordnung so hüpsch vnd fein.
 Der Bräutigam gieng hinein bey zeit/
 Vnd neben im zur rechten seyt/
 Der Kaiserlich Kaiser gesandt/
 Desgleichen zu der lincken handt.
 Herzog Albrecht so tugentreich/
 Des Bräutigams vatter sagen Eich.
 Auch andere Fürsten vnd Herrn/
 Darnach die Braut in grossen ehren.
 Ward da geführt Fürstlich zu hand/
 Von dem Erzherzog Ferdinand.
 Desgleich vom Herzog von Badinund/
 In die Kirchen zur selben stund.
 Thet man jr Schwester auch bringen/
 S'frawen Zimmer auß Luttringen.
 Ist inen fleißig gfolget nach/
 Ich gieng hinnein als sand ich sach.

Bey der Kirche
 vnser Frawen
 abgestigen

N. u. In

Ordnung des
Frauen sym-
mers.

In der Kirchen so außermitt/
Hat sich gar ordenlich gestellt.
Das Frauen zimmer außerkom/
Die Fürstinnen so hoch geborn/
Frau Anna also tugentreich/
Geborne Fürstin auß Österreich.
Frau Dorothe Pfaltzgräfin gleich/
Die alte Fürstin so tugentreich.
Zwan junge Bayrisch fräutlin fein/
Das dritt mag wol Marggräfin sein.
Hernach das Frauen zimmer schon/
Den Cardinalen wolgethon.
In der Kirchen gleich in der mitt/
Geziert nach Catholischem sitt.
Estanden zwischen zwayen Caplan/
Ein Crucifix in henden ghan.
Das was von gold gar wolformiert/
Vor in die Erd gar schön geziert.
Von rotem Thuch überzogen/
Zwan guldin Küß schön geschmogen.
So lustig das es mich hat gfreut/
Brütgam vnd Braut darauff gekneut.
Darnach der Cardinal ich sag/
Das Crucifix zu küssen gab.
Vnd mit dem Weichbrunnen gesprengt/
Vil schöner wort darunder gemengt.
Gar fleissig Er über Sy thet/
Gar schöne Catholische pet.
Te Deum laudamus gsungen/
Darnach ist der Brütgam kummen.
Hersfür in gleich vor in das Chor/
Vier Stäbelmaister giengend vor.
Graf Franz vom Thurn so haist der ain/
Graf Carl von Zollern ich auch ain.
Bey dem Brütgam zur rechten hand/
Zur lincen seyt desgleichen fand.
Ain Graf der was gar wol erkandt/
Von Schwarzenberg ist Er genandt.

Guldin Küß.

Die vier Stä-
belmaister.

Vnd

Vnd auch herr Lösch zu dieser frist/
 Ain Bayrischer Hofmaister ist.
 Dese zwen waren nit gar weyt/
 Vor der Braut zu der lincken seyt.
 Weiter ich da auch sagen soll/
 Ain schönen Stül den sach ich wol.
 Der stünd an mitten in dem Chor/
 In der Kirchen gar wol daruor.
 Darein hat sich der Bräutigam gestölt/
 Darnach die Braut schön außerswölt.
 Von den zway Fürsten hochgenandt/
 Dahin geführt von beden sandt.
 Darnach die Fürsten außerswölt/
 Habend sich in die Stül gestölt.
 Gar ordenlich ainander nach/
 Den Teütschen Maister ich wol sach.
 Im vordersten Stül zu hand/
 Darnach Erzhertzog Ferdinand.
 Zum dritten Erzhertzog Carol/
 So sach ich Hertzog Albrecht wol.
 Auch den Hertzog von Badenmünd/
 Die Polnisch Botschafft zu der stund.
 Hertzog Eberhart ich auch nenn/
 Den Fürsten Ferdinanden kenn.
 Das Hochgeborne iunge blüt/
 Darnach die Bülchisch botschafft güt.
 Das Frayen zimmer stünd nit weyt/
 In der Kirch zu der lincken seyt.
 In der ordnung wie obgemelt/
 Haben Sy sich gar zierlich gestellt.
 Zwen schöne Stül der nam ich war/
 Zu beden seyt des Altar.
 Der auff der rechten seyt was/
 Des Cardinals darinn Er saß.
 Zur lincken seyt onc trug/
 Der frumme Bischoff von Saltzburg.
 In demselbigen Stüle saß/
 Der von Freysing da bey im was.

Ordnung der
 Fürsten in der
 Kirchen.

Des Cardinals
 stül.

N iij Zu

Zu vnderist wol in dem Chor/
 Stunden ihren Seil die sach ich vor.
 Die Botschaft die darinnen saß/
 Von Augspurg vnd Nürnberg was.
 Herr Peütinger so haist der al/
 Statthalter zu Augspurg ich maht.
 Herr Volckamer der ander gnaht/
 Zu Nürnberg gar wol erkant.
 Wie der Vordienst vernicht war schiern/
 Mit singen vnd mit figurieren.
 Vnd in sine hat man gsungen.
 Das in der Kirchn hat erklingen.
 Ten schönen Psalmen Beati/
 Preütgam vnd Braut hierlich vnd sein.
 Dieret' gebe. rei fleissiglich/
 Wie es nun hat geendet sich.
 Ist man wider auffgstanden imal/
 Darnach so hat der Cardinal.
 Inen glück gewünset also schon/
 Mit ainr schönen Oracion.
 Wie Sy den Reichthum empfangen/
 Ist man auß der Kirchn gangen.
 In der ord. ung hierlich vnd sein/
 Gleich wie man gangen ist hinnein.
 Bad darnach ouch mit güter ehü/
 Gefarn der Herren Vestin zu.
 Byrisch Frauen so tugentreich/
 Musamp den jungen Fräulin gleich.
 Seind gefaren der nähe nach/
 Zum die New Vest war men gach.
 Vnd eylten schnel' wol zu dem thor/
 Das Sy der Braut da kamend vor.
 Wie Sy in Hof nua kummen sind/
 Da seind Sy abgestanden gschwind.
 Vnd sich sein in ain ordnung gstellt/
 Wie nun die Braut so hochgemellt.
 Ist kummen mit vil Fürstin vnd Herrn/
 Da habend Sy mit g. offen ehan.

Wer auß der
 Kirchn.

Die Braut in
 der New Vest
 empfangen.

Die

Die Braut so Fürstlich empfangen/
 Darnach so ist vor ir gängen.
 Herzog Albrecht vnd Freütgam gleich/
 Darnach zwen Fürsten tugentreich.
 Die ich dann vor hoch hab genandt/
 Ir Durchleucht Herzog Ferdinandt.
 Vnd der Herzog von Badenmünd/
 Haben die Braut zur selben stund.
 Gefürt vnz zu irem Zimmer/
 Auch das ganze Frauen zimmer.
 Sy all zumaln ich da wol sach/
 Nach der Braut gehn schon hinden nach.
 Vnd ir das Glaubt Fürstlich geben/
 Wie gemelt in ir Zimmer eben.
 Darnach den Fürsten hochgeborn/
 Ausgezogen Seisil vnd Sporn.
 Vnd darnach andre wahr empfangen/
 Ain neder in sein Zimmer gangen.
 Wie nun ist worden die Malzeit/
 Ganz lustig vnd auch schön bereit.
 Seind die Fürsten zu tisch gängen/
 Vnd hand die Malzeit empfangen.
 Hat die Braut als ich dann vermain/
 Die Nacht malzeit gessen allain.
 Desgleich ir Frau Mütter so wol/
 Wie man sagt Erzherzog Carol.
 Desgleichen ist es geschehen/
 Morgens zum mal muß ich sehen.
 Nach mittem tag soll ich sagen/
 Gleich wie die Glock iran hat gschlagen.
 Da kamend in die Neue Vest/
 Die geladnen Fürstlichen Gest.
 Erzherzog Ferdinand gar wol/
 Ir brüder Erzherzog Carol.
 Desgleichen andre Fürsten Herrn/
 Bottschaften so da geschickt in ehren.
 Warend auff die Fürstlich hochzeit/
 Kamend dahin gar schön bereit.

Es

Die Braut als
lain gessen.

Die Gesandte
kamen in der
Neuen Vest
alle zusammen.

Es hat sich auch der Brüttgam ziert/
 Gerüst zur Kirchen wie gebürt.
 Vnd kam auß seinem Zimmer sein/
 Vnd auch der liebste vatter sein.
 Herzog Albrecht so hochgeborn/
 Der Zeitliche Maister außerkorn.
 Der Ewre Kaiserlichen Maister/
 Das Sy sy die vertreten sett.
 Wie er Gnad fleissig hat gethon/
 Die Fürsten all gezieret schon.
 Zu der Kirchen sich vermessen/
 Auff schöne Geül seind Sy gessen.
 Gezieret nach Fürstlichem sitten/
 Vnd seind zu der Kirchen ghütten.
 Doernach die Braut ganz tugentreich/
 Das Frauentzimmer desgeleich.
 Zu der Kirchen waren Sy gnaigt/
 In der ordnung wie angezaigt.
 Wie man zu der Kirch ist kummen/
 Vnd die Trummeten da klingen.
 Lieff dahin ain solliche Welt/
 Als hett man außgeworffen gellt.
 Es wolt da sehen hederman/
 Die Fürstlich hochzeit wolgethan.
 Wie die Braut ist abgestigen/
 Hat sich das volck nit verzigen.
 Da war ain sollich groß getreng/
 Dem Frauentzimmer gemacht so eng.
 Das Sy sich kundten nit bekern/
 Da hat geholffen gar kain wern.
 Es hat Erzherzog Ferdinand/
 Gnummen ain Hellparten in dhand.
 Vnd das volck zu ruck getriben/
 Biß das die Braut ist abgstigen.
 Die Frauent vnd Junckfrauen all/
 Ain sollich treng was da zumal.
 Wie man nun in Kirch ist kummen/
 Fürsten Herrn ain grosse Summen.

Frauent

Frauen zimmer ain grosse zal/
 Da stünd geziert der Cardinal
 Zwischen zwayen Diaconen/
 Sach ich in vor dem Altar stehn.
 Ain Mitram hett Er auff dem haupt/
 Von schönem gold das hab ich glaube.
 In der hand hett Er ainen Stab/
 Oben krum vnd vnden gerad.
 Wie sich ain Bischoff wol gebürt/
 Vor im der Boden schön geziert.
 Mit rotem thuch müß ich sehen/
 Solchs ich vorhin nit hab gsehen.
 Für in hat sich da außerswölt/
 Brüttigam vnd auch Braut gestellt.
 Der Cardinal ich gsehen hab/
 Ain Creutz gemacht mit seinem Stab.
 Darnach der Brüttigam gar eben/
 Dem Cardinal den Kranz geben.
 Von Berlin vnd Gold was er diert/
 Wie dann ain Fürsten wol gebürt.
 Das ich da zu mir selber sprach/
 Schöner Kranz ich vor nit gesach.
 Ich sprach zu ainem Herren schon/
 Ain solchen Kranz möcht ich wol hon.
 Er sprach er zierte dich mit füg/
 Als da ain Saw ain Belzrock trug.
 Von stund an ich da von im gieng/
 Der Cardinal den Kranz empfieng.
 Hat in auff ain Teller geleyt/
 Was lustig schön vnd wol bereyt.
 Wann es gultc ain Kreutzer bar/
 So kuffte ich ain tuhet gar.
 Gedencke sy seind nit mein füg/
 Von holz gediet thünd dise gnüg.
 Nach dem Er eingeseget hett/
 Vnd vil Ghusenlicher gepett.
 Darüber gesprochen gar hieleich/
 Sazt Er in auff dem Fürsten reich.
 Desgleich

Korrbuch.

Den Kranz
gesegnet.

Desgleich ain Ring von gold so rot/
 Der Breittigam dem Bischoff bet.
 Der ward auch in sollichem sal/
 Geseget von dem Cardinal.
 Darnach der Ring mit sampt dem Stain/
 Ward angesteckt der Juncfraw raum.
 Von dem Breittigam an ire hand/
 Darnach so wurden bedesand.
 Von dem Cardinal gar eben/
 Schustenlich zusamen geben.
 Dazü gar vil der schönen pet/
 Er über Sy da sprechen thet.
 Ain Creutz gemacht ich gsehen hab/
 Vber Sy baide mit dem Stab.
 Wie vorgemelt am selben ort/
 Vnd hat gesprochen dise wort.

In nomine indiuiduae Trinitatis.

Das ist gesprochen also vil/
 Wie ich daum yetz anzaigen wil.

In Namen der hailigen vnder-
taltten Trisältigkeit.

Vnd men darmit gar eben/
 Gleichermas den Weichbrunn geben.
 Wie Er gethon hat auch daruor/
 Darnach gegangen in das Chor.
 Die Stäbelmaister wol erkandt/
 Mit Namen hab ichs vor genandt.
 Darnach die Fürsten vnd auch Herrn/
 Die Vorschafften in grossen ehren.
 Vnd hand sich in die Stül gestellt/
 Ain ander nach wie ich hie meldt.
 Ich hab sy gnummen eben war/
 Gleich auff der rechten senten har.
 Den Teütschen Maister also gnamdt/
 Von Kaiserlich Maister gesandt.

Darnach

Ordnung der
 Fürsten in der
 Kirchen.

Darnach Graf Carl von Zollern gleich/
 Was die Hispanisch botschafft reich.
 Erzhertzog Ferdinand auß Tyrol/
 Erzhertzog Carl den sach ich wol.
 Darnach auch den Hertzog Albrecht/
 Des Preütgams vatter sag ich recht.
 Den Hertzogen von Badenmurd/
 Die Polnisch botschafft zu der stund.
 Herr Dietmar gnandt von Losenstein/
 Hertzog von Wirtemberg ich mein.
 Der Hertzog Ferdinand so jung/
 Got wolt das im auch wol gelung.
 Mit ainem sollichen Kirchgang/
 Ich hoff es soll nit werden lang.
 Ir Fürstlich gnad werd thün zuu sachn/
 Ich wolt ir thün ain Spruch zlieb machn.
 Die Pfaltzgräffisch botschafft bey Rhein/
 Friderich von Limpurg ich mein.
 Des Churfürsten Augustus gnandt/
 Graf Günther vnd gar wol erkandt.
 Von Schwarzenburg wirt Er genennt/
 Dit von Byland auch wol erkennt.
 Von Gölch so ist Er kummen har/
 Darnach hab ich genummen war.
 Herr Langenmantel on schaden/
 Des Fürsten gsandter von Baden.
 Von Florenz hab ich gsehen recht/
 Ain Römer gar ain alt geschlecht.
 Sein Nam ward mir also erkandt/
 Troilus Bisinus Er sich nandt.
 Herr Peütinger nenn ich zur frist/
 Statthalter Er zu Augspurg ist.
 Der von Nürenberg gesandter/
 Ist genandt Georg Volkhamer.
 Auß der lincken seyten zu hand/
 Ich da das Frauen zimmer fand.
 Nach ainanderen auch gleich/
 Anna die Fürstin tugentreich.

Ordnung des
 Frauen Zim-
 mers inn der
 Kirchen.

Die

Die alte Hertzogin darnach/
 Die Pfaltzgräuin ich auch wol sach.
 Der Braut Schwester sach ich auch wol/
 Zwan Fräwlin ich hie nennen sol.
 Auß Bayern so sach ich zu der frund/
 Ain Fräwlin gnaüt von Badenmünd.
 Nit anders ist es mir zu wissen/
 Vnd hab auffsehens mich geflissen.
 Im anfang hab ich angezaigt/
 Wie ain Stül sey gweisen bereit.
 An dem Altar zur linken hand/
 Zwen Bischoff man dunn sitzen fand.
 Von Saltzburg vnd von Freysingen/
 Weyter gib ich auch zu verstehn.
 Ich sach ain Stül gar wol formiert/
 Mit ainem Guldin Stuck geziert.
 Vier Löwen sach ich schön vergildet/
 Ich wais das sy gwiß niemandt schilde.
 An die vier eck warn sy gestellt/
 Ain yeder in seine Tazen helle.
 In gleicher form wie auff dem Wagn/
 Da ich am anfang von thet fagn.
 Vier guldin Rissin sach ich wol/
 So schön das ich sy pressen sol.
 Vnden zwan des gleichen oben/
 So wol geziert ich müß loben.
 Preütgam vnd Braut darauff geknetzt/
 Ich hab in gschawt hat mich nit gheist.
 Auch gleich daruor ich reden das/
 Gar ain schöne Begrebnuß was.
 Uns alten Kaisers hört ich recht/
 Des Hertzogthumbs auß Bayern gschlecht.
 Sein Bildtnuß hab ich gsehen schon/
 Gar lieblich an der Grebnuß ston/
 Kaiser Ludwig sein Namen was/
 Auff dem Stein gschriben ich in laß.
 Gleich daruor der Fron Altar war/
 Mit der warhait ich reden thar.

Zier des Braut
 stüls.

Aines alten
 Kaisers bes
 grebnuß.

Solliche Schänckung gschehen ist/
 Von der Landtschafft zur selben frist.
 Durch die so da wurden gesandt/
 Seind mir worden also erkandt.

Graf Johann	}	von	Dittenburg.
Graf Ulrich			Dittenburg.
Wolff Dietrich			Neuchselrain.
Wolff Wilhelm			Neuchselrain.
Carl			Frauberg.
Jacob			Thurn.
Georg			Gumpenberg.
Burchhart			Damberg.
Veit Erbmarschall			Bappenhaim.
Wolff Christoff			Taufkirchen.

Hieronymus Brunner so schon/
 Hat für Thail diered gethon.
 Dann Er kehnd zu diser frist/
 Der ganzen Landtschafft Samrer ist.
 Vnd der Rechten Licentiat/
 Ganz ghorfam sich anbotten hat.
 Von wegen ainr ganzn Landtschafft reich
 Mit wortn vnderthänigleich.
 Preütgam vnd Braut zu güttem thail/
 Znen gewünscht vil glück vnd hail.
 Der zwo Stetten ich auch gedenc/
 Augspurg vñ Nürnberg hand auch gschenck.
 Durch ire Esandten wol erkandt/
 Mit irem Namen vorgehandt.
 Wie nun solchs nach Fürsilicher art/
 Da alles sand geschencket ward.
 Sach ich ain wolgebornen Herrn/
 Hab in auch gnennt in hohen ehren.
 Er hat gedanckt der junge Heldt/
 Den Fürsten allen hochgemeldt.
 So gar mit hierlichen wortn/
 D'e all solches von im horten.
 Die lobten in alle samen/
 Graf Dt Hainrich ist sein Namen.

P Von

Der Graf von
 Schwarzen-
 berg hatt ges-
 danckt.

Von Schwarzenberg wirt Er genandt/
 Mäniglichen gar wol erkandt.
 Ir gnad hat ghandlet also wol/
 Billich man in drum loben sol.
 Wie ich vorhin hab thün schreiben/
 Darumb ichs yetzund laß bleiben.
 Nit mehr ist gsehen disen tag/
 Das ich hab gsehen wie ich sag.
 Am Erchttag gleich nach dem Mal/
 Das auch gsehen ist im Sal.
 It man frölich schön geschmogen/
 Auff die gmelte Ban gezogen.
 Vom volck gab es ain getummer/
 Im selben kumbts Frauen zimmer.
 Auff schönen Wägen her gefarn/
 Die so gar Fürstlich zieret warn.
 Wie ich dann vorhin hab gschriben/
 Da ist nichts vergessen bliben.
 Als was du solchen sachen hort/
 Das was beraidt an allem ort.
 Da ist warlich nichts obersehn/
 Mag ich bey meinen treuen sehn.
 Die Ban die was so schön bereidt/
 Von Sand ain hand dick oberstreidt.
 Desgleichen mit stro bedeckt wol/
 Ich wais nit wie vil Wägen vol.
 Nun will ich vnderthänigkleich/
 Durchleuchtigster Kaiser reich.
 Gehorsamigist zaigen an/
 Was sich verliesse auff der Ban.
 Am Erchttag hab ich gsehen zhand/
 Kommen Erzherzog Ferdinand.
 Selbender auff ain Wagen sas/
 Der so gar schön gezieret was.
 Wie Ewer Kaiserlich Maistet/
 In hie wirt sehen Gunter set.

Frauen Zim-
 mer.

Das Kinglin
 rennen.

Erzherzogs
 Ferdinands
 aufzug.

Ich

Er was geziert vnd on geferd/
 Warlich ainr gantzen Graffschafft werde.
 Volt ich bezeügen also gschwind/
 Mit allen so da gewesen sind.
 Das mans des besser glauben wölln/
 Will ich etliche hier erzölln.
 Der Fron Altar schön onbefleckt/
 Mit ainem Goldstück überdeckt.
 Darauß sach ich von Silber ston/
 Die zwelff Apostel also schon.
 Ain schön Saluator in der mitt/
 Ich waiß das ich hie leüge nit.
 Der was lustig vnd schön vergilt/
 Wer es hat gsehen gwiß nit schilt.
 Die Apostel warn lustig gestellt/
 Wer Sy hat gsehen gwiß gefellt.
 Mit der warhait so red ich das/
 Ainr höher dann der ander was.
 Noch zwelff Bilder schön außerswöllt/
 Von Silber vnd gar lustig gestellt.
 Hinderhalb die Apostel zwar/
 Die warhait ich wol reden thar.
 Zwen grosse Leuchter hab ich gsehen/
 Darzü vier flam das müß ich sehen.
 All von gutem Silber gossen/
 Sollichs gsehen vnuerdrossen.
 Bin ich warlich gewesen nit/
 Die Stül müß ich auch pressen mit.
 Zwen wol vierzig in dem Chor/
 Die ich noch nit gemelt hab vor.
 Alls and warn sy gar schön geschmogn/
 Mit Carmasin gar überzogn.
 Desgleich die ander Stül auch all/
 In der Kirchen desselbig mal.
 Wie die im Chor schön geschmogn/
 Mit Carmasin überzogn.
 Es ist mir nit wol möglich zwar/
 Das ich es kan benennen gar.

Hier des Fron
 Altars.

Die silberin
 Leuchter.

Hier der stül in
 der Kirchen.

D Zuschreiben

Vergulde
Kerzen.

Ceremonien in
der Kirchen.

Zuschreiben ist es mir auch wil/
Nach dem ich auch anzaigen wil
So ich ebendran bin kummen/
Kerzen auff dem Altar brumen.
Die warn vergülte vnd das ist war/
Als soltens weren etlich jar/
Daruon mer zschreiben sich gebirt/
Mänger mir das nit glauben wirt.
Da ligt mir warlich nit vil dran/
Ich schreib was ich gesehen han.
Das ander will ich lassen bleibn/
Es wirts villeicht ainandier schreiben.
Dannes mir nit wol möglich ist/
In ainer solchen kurzen frist/
Das ich da nicht thū vergessen/
Zum argu wirt man mirs nit messen.
Daran ich dann kain zweyfel han/
Nun will ich weyter zaigen an.
Sich in der Kirch zutragen het/
Ewer Kaiserlich Maiestet.
Der gib ich allhie zu verston/
Namend die gulden Zinsel schon.
Vnd fasten Sy auff gar behent/
Dem Cardinal mit Reuerentz.
Desgleichen auch den Bischoff stab/
Ainschön Rauchfaß von jm auch gab.
Desgleichen auch ain Silbris gschirz/
Mit Reuerentz nit vngelirz.
Der Cardinal der nams zu hand/
Darinn Er güten Beyrauch fand.
Darauf nam Er ain wenig swar/
Vnd thets wol in das Rauchfaß dar.
Da haben Sy jm abgethon/
Die schön gezierte Zinsel schon.
Darnach hat Er den Altar zhand/
Die schöne Bilder alle sand.
Bereicht wie ichs gesehen hab/
Darnach Er Brauchfaß von jm gab.

Ain

Ain Diaconus es empfieng/
 Zu dem Preutigam vnd Braut Er gieng.
 Beraucht Sy beide muß ich sehen/
 Ain Caplanen hab ich gesehen.
 Der hatt ain Saul da vorim sion/
 Darauff da saß ain Adler schon.
 Der schwung sein flügel auß so schwer/
 Sach gleich als obs ain Pulbrett wer.
 Da namen Sy die schön Nitram/
 Der Cardinal auffss haupt Sy nam.
 Darnach so hat man gfigurirt/
 In der Kirchen wie sich gebiert.
 Vnd darnach gar vnbetrogen/
 Dinsel wider abgezogen.
 Wie Sy im vorn haupt ist kummen/
 Hat Er das Oremus gsungen.
 Stünd hinder im gleich an der statt/
 Zwen Caplan ordentlich vnd satt.
 Ain brennend Kerz ain neder hielt/
 Mit beden händen Er sy hielt.
 Darnach so hat der Cardinal/
 Oremus zu dem andern mal.
 Gesungen vor dem Altar bhend/
 Also nam die Vesper ainend.
 Da gieng man auß der Kirchen fein/
 In solcher gestalt wie auch hinnein.
 Vnd doch man in die Neue Vest/
 Die Hochgebomen werden Gest.
 Wie nun die Nalheyt was bereyt/
 Man Speiß vnd Franck hat auffgetreyt.
 Vnd die Fürsten züsch seind gessen/
 Hab ich mich nekund vermessen.
 In kurtzem anzuzeigen gschwind/
 Wies nach der ordnung gessen sind.
 Ordentlich nach Fürstlichem sit/
 Wie die Tafel anzaigung gib.
 Also seind die Fürsten gessen/
 Wie Sy die Nalheyt hand gessen.

D ij Hab

Hab ich jr Durchleucht recht erkendt/
Die sendt irer hierinn nach stat gneidt.

Die Fürstliche Tafel.

Prelütigam sampt der Braut.

Graf Carl von
Zollern.
Herr Dietmar von
Losenstein.
Friderich von
Limburg.
Graf Günther von
Schwarzenburg.
Det von Bland.
Ulrich Langen-
mantel.
Troilus Bisinus.

Cardinal von
Augsburg.
Der Teütsche
Maister.
Erzherzog Fer-
dinand.
Fraw Anna.
Erzherzog Carl.
Die Fürstin von
Newmarck.
Herzog Albrecht.
Die alt Fraw.
Herzog von Ba-
denmünd.
Sein Gemahel.
Bischoff von Salz-
burg.
Herzog Eberhart
von Wirtemberg.

So das Handwasser geben habend.

Graf Frank	}	von	} Thurn.
Graf			
Graf Sebastian	}	von	} Schlick.
Graf Felix			


Die Fürstlichen.

Graf Johann von Dittenburg.
Graf von Leinstain.
Graf von Zollern.

In

In einer Stuben soll ich sehen/
 Hab ich auch ain Tiscl' gsehen.
 So ich Sy nit hab vergessen/
 Seind dise personen gessen.

Bischoff von
 Freysingen.
 Zway Bayrische
 Fräw'in.
 Das Fräwlin von
 Badenmünd.
 Ain Marggräffisch
 Fräwlin.
 Fräw von Schwar-
 zenberg.
 Ain junger Marg-
 graff.



Der Braut
 Schwester.
 Herzog Ferdin-
 and.

Weyter will ich auch zaigen an/
 Ich sach ain runde Tiscl' stant.
 Erer Maiestet sag ich zur frist/
 Wer auch daran gessen ist.
 Ob ich Sy thün recht erkennen/
 So will ichs in ghorfam nennett.

Herr Pelttinger.
 Hieronymus im Hof.
 Georg Volkhamer
 Hofmaister
 Bartholme Haissentaler
 Georg

Von

Augsburg.
 Augsburg.
 Nürnberg.
 Amburg.
 Handelberg.
 Romburg.

Wie nun die Malzent empfangen/
 Vnd man hin vom Tiscl' ist gangen.
 Gar Fürsilich ordenlich vnd fein/
 Ain yeder in das Zimmer sein.
 Zu dem Tantz sich gerüstet schier/
 Mit gar schöner Fürsilicher zier.

D III Dem

Den schönen Saal im anfang gnandt/
 Der ward von Herrn darzu erlandt.
 Wie nun der Tanz ansahen solt/
 Hat man Preutigam vnd Braut geholt.
 Wie mans wolt führen in den Saal/
 War ain getreng dasselbig mal.
 Von Fürsten Grauen Freyherren/
 Das sich niemandt kund bekeren.
 Der groffe Saal war vil zu eng/
 Wie ginelte es was ain sollich treng.
 Die Stäbelmaister alle vier/
 Müßten machen da Platz gar schier.
 Der Fürstlich Tanz fieng an zur frist/
 Gleich wie hernach geschriben ist.

Der Erste Rayen des Fürstlichen Tanzs.

Preutigam	} Mit der	Braut.
Erzherzog Fer-		Herzogin von
dinand		Bayrn.
Erzherzog Carl		Pfalzgräfin.
Herzog Albrecht		Frau von Ba-
		denmund.

Der ander Rayen.

Zettisch Maister	} Mit der	Herzogin von
Herzog Albrecht		Bayrn.
Erzh: Ferdinand		Braut.
Erzherzog Carl		Pfalzgräfin.
Preutigam		Frau vñ Badmund
		Braut Schwester.

Der dritt Rayen.

Graf von Zollern	} Mit der	Pfalzgräfin.
Erzh: Ferdinand		Braut.
Erzherzog Carl		Allen frauen.
Preutigam		Frau vñ Badmund
		Der

Der vierde Rayen.

Erzhertzog Fer-	} Mit der	Eltern Fräwen
dinand.		von Bayrn.
Erzhertzog		Andern Fräwen
Carl.		von Bayrn.
Graff von Zol-	}	Marggräfschen
lern.		fräwlin.

Der fünfte Rayen.

Erzhertzog	} Mit der	Fräw von Ba-
Carl		denmund.
Erzhertzog Fer-		Braut.
dinand		Eltern Fräwen
Preütigam	}	von Bayrn.

Welter kund ichs nit mehr sehen/
 Von grossen dieng müß ich sehen.
 Zu schawen was ain groß begier/
 Den Fürstlich Tanz mit sampt der hier.
 Ja die das Fräwen Zimmer trüg/
 Ich kundes selbs nit erschawen gnüg.
 Dann ich vor alle meine tag/
 Schöner Tanz nit gesehen hab.
 Het Er gewert bis an morgen frö/
 So hett ich im gern gsehen zu.
 Wie nun der Tanz hat gnummen end/
 Hab ich mich gemacht genschlaffend bhend.
 Am morgen hat ich gar kain rhü/
 Machte mich der Neuen Bestin zu.
 Vnd sach ain Klainet als ich main/
 So was es Gold vnd Edel Eystain.
 Schmaragden Demüt vnd Rubein/
 Ain groß gelte müß es gstanden sein/
 Es war ain Halsband vnd ain Ghenet/
 Gedacht es ist gewiß gnüg ain Eshenck.
 Das trüg ain Graf gar wol erkandt/
 Von Schwarzenberg ist Er genandt.

Der

Die Morgen-
gab.

Der Braut bracht Ers ich gsehen hab/
 Ist gewesen jr Morgengab.
 Ich dacht wirt es dann hezt der sit/
 Das kainer darff heyraten nit.
 Er gäbe dann also seinr Braut/
 Ain sollich Gscheneck wie ich hab gsehaut.
 So müste mänger sein schabab/
 Fro bin ich das ich aine hab.
 On ain Braut müst ich wol leben/
 Ain sollich Scheneck het ich zgeben/
 Darnach so saumbt man sich nit lang.
 Kust sich widerumb zum Kirchgang.
 In der ordnung gleichsahls ich sag/
 Wie gsehenn ist die vordrige tag.
 Dann das die Fürsten muß ich sagen/
 So schöne zierre Kränz hand tragen.
 Wie man für die Kirch ist kummen/
 Der Braut Schwester zu jr gnummen.
 Gar schöne Kränz vnd aufgescheneckt/
 Daran man auch gar lang gedeneckt.
 Mich verwehert sehr an der statt/
 Das Sy nur kainen geben hat.
 Gedeneck Sy hab mich nit gsehen/
 Odr sunst nit kennt ni is sein gsehen.
 Wie man nun in Kirch ist gangen/
 Hat der Cardinal empfangen.
 Die Braut vnd Püetigam wolgethon/
 Mit disen worten also schon.

Kirchgang.

Der Braut
 Schwester
 thailt die
 Kränz auß.

Adiutorium nostrum in nomine
 Domini, qui fecit coelum & terra
 ram.

Zu teütsch ist es ghyedt also vill/
 Wie ich dann hezt anzeigen will.
 Im Namen spricht Er wolgethon/
 Unsers lieben erlörs schon.
 Da antwurter jm die werden/
 Der geschaffen hat himl vnd erden.

Der

Der Cardinal so wol gethon/
Spricht dise wort zierlich vnd schon.

Matrimonium per nos heri con-
firmatum, confirmet deus omni-
potens, & ego illud ratifico, con-
firmo, & in facie Ecclesiae solen-
niter ac iterum benedico, in no-
mine Domini patris, & filij, &
spiritui sancti.

Die wort bringen mit sich gar schon/
Den Gotsdienst den wir hond gethon.
In der Christlichen Kirchen hie/
Dieselben Er bestäten die.
In der hailgen Trisältigkeit.
Namen hand dise wort bedeit.
Darnach so haben Sy gsungen/
Das in der Kirch hat erklingen.
Den schönen Psalmen also gnanndt/
Wie dise wort gebend verstand.

Beati omnes qui timent Dominum.

Dise wort zaigend an so gschwind/
Das alle die ja selig sind.
Die den Herren da fürchtend schon/
Vnd arg's thünd vnderwegen lon.
Wie vns die gschufft beweist zur frist/
Wer in nit fürcht auch sein nit ist.
Nach dem so satzend sich die Herrn/
Wie vormalen in grossen ehren.
Da singt man das Ampt wol erkandt/
De Trinitate wirts genandt.
Der Cardinal hat sich erzaigt/
Mit blossen haupt gen Fürsten gnaigt
Andern Ceremonien vil/
Die ich nit all erzeien wil.
Vnd so ichs solt als zaigen an/
Ain ganze woch müst ich wol han.

Vnd

Ausgang der
Kirchen.

Fürstlich Tanz
im Rathhaus.

Schenkung
aller Fürsten.

Vnd solt mir democht kurz wol sein/
Das ich es künd erzeien sein.
Zu dem nächsten laß ichs bleiben/
Weyter von den sachen schreiben.
Wie nun die Meß hat gnummen end/
In die New Vest für man behend.
Vnd sagt man sich da zu dem Mal/
Gleich wie zuuor wol in dem Sal.
Wie nun dasselb ist gewesen auß/
Zoch man darnach in das Rathhaus.
Aln Fürstlich Tanz war da mit tug/
Biß nach dem das Glock fünffe schlug.
Darnach zugend die werden Gest/
Widerumb in die Newe Vest.
Den tag hat man der Braut geschanckt/
Graf von Schwarzenburg hat gedanckt.
In was gefallt es gschehen sey/
Will ich nehzunder melden frey.
Der Teütsche Maister schencken thet/
In Namen Ewer Maieſtet.
Darnach Graf Carl von Zollern gleich/
Im Namen des grossn Königs reich.
Auß Hispanien ich auch sach/
Aln Herren Schencken gleich hernach.
Gnandt Herr Dietmar von Eosenſtain/
Ewer Maieſtet Rath als ich main/
In Namen der Künigin auß Poln/
Darnach hab ich gesehen woln.
Den Grauen vom Thurn genaüt Frank/
In Namen Erzhertzog Ferdinand.
Herr Caspar von Vels sach ich gleich/
In Namen Erzhertzogs Carls reich/
Auch von Augspurg der Cardinal/
Wie andere Herrn schencken wol.
Hernach des Pfaltzgrauen am Rheyne/
Botschafft gar ordenlich vnd sein.
Fridrich von Simpurg ist sy gnandt/
Churfürst von Sachssen wol erkandt.
Durch

Durch sein Botschaft geschencket ist/
 Graf Günther von Schwarzenburg zur frist.
 Herzog Albrecht den sach ich wol/
 Des Preütigams vatter sagen soll.
 Hat darnach auch geschencket gleich/
 Durch ainen Strengen Herren reich.
 Carl von Frauberg ist Er genandt/
 Des Römischen Reichs ErbRitter kandt.
 Vnd auch Marschall in hohen ehre/
 Noch was der Schanckung noch vil mehr.
 Es schenckt der Braut mütter zur frist/
 Ain Königin auß Denmarck ist.
 Fraw Dorothea die Fürstin/
 Die Pfaltzgräfin ja bey dem Rhyn.
 Durch ien Hofmaister als ich main/
 Georg Thoman von Wildenstein.
 Es schenckt auch on allenschaden/
 Die alt Fraw Fürstin von Baden.
 Durch Burckhart von Schellenberg gleich/
 Der Bischoff von Salzburg so reich.
 Durch sein Landtsheuptman wol gemüt/
 Ain gulden Pfennig der da thut.
 Tausent Ducatn an schönem gold/
 Ich nem in ain jar für mein sold.
 Will in nit haben vnuerholn/
 Man möcht sagen ich hett in gstoln.
 Derhalb schenck mir niemand so vil/
 Dann ich es gar nit haben wil.
 Herzog von Gölch ganz tugentreich/
 Sein botschaft sach auch schencken reich.
 Der Nam ward mir also erkandt/
 Vnd genandt Herr Det von Rylandt.
 Herzog Christoff von Wirtemberg schon/
 Musampt sein Tun gar wol gethon.
 Herzog Eberhart wol erkandt/
 Wie ich den Fürsten vor hab gnannt.
 Durch den von Limburg also gnannt/
 Vnd andre Räte auch wol erkandt.

Marggraf


Marggraf von Baden hat auch geschenck/
 Des vi. ich noch wol in gedenc.
 Durch die Gesandte botschaft gkandt/
 Vlrich Langenmantel erkandt.
 Dese Fürsten so hoch geborn/
 Im Römischen Reich außerkorn.
 Ir Schänckung so Sy habend gthon/
 Ist mir nit müglich zaigen an.
 Von Gold Berlin vnd Solein Gstain/
 Geziert fürwar schön vnd auch raim.
 Das ich doch alle mein etag/
 Sollich klainet nit gsehen hab.
 Mir klainet hab ich da gsehen/
 Worn zwen Becher müß ich sehen.
 Von Gold vnd vrbait schö. geziert/
 Wie sich dar in solliche wol gebiert.
 Des end gest. ander hort ich sein/
 Ach zehundert Rheyms. florein.
 Im Becher lag das müß ich sagen/
 Sechstausent Ducaten new geschlagen.
 Das bringet die rechnung mit ir sein/
 Zehentausent güter florein.
 Die Becher mit dem Gold zu hand/
 Ist gestanden ja alles sand.
 Alfftausent acht hundert florein/
 Laß mir ain schöne Schencke sein.
 Die Ducaten New g. schlagen/
 Auß dñf. mu. müß ich sagen.

Der Landes-
 schaft schän-
 ckung.



Auß der andern senten schon/
 Thet dise Schrift gar lauter ston.

Solliche



Durchleüchtig Hochgeborn
Christlichen, Hochloblichen vnd Fürstlichen

Fürst vnd
Hochzeit auff die

Ein schönen G
Gar wol gezier
So was der W
Wie man hie sich
Darauf se Fürst
In rotem Sam
Julius Derius m
Vier Musci dar



Der Herr Ferdinand

von gezogen.

ist noch unbefleckt/
so schön bedeckt.
in wol gethen/
ertragen kon.
im Durchleuchte saß/
in handet was.
den er/
haben mir.

Den Gengen/ain Zittern/ain Laut/
Von unangeflichen da beschauet.
Ir klaidung da jars lufing war/
Dier giengend neben Wagen har.
Von roten Aelast ansehon/
Mit schwarz Schindart iras da sion.
Am ansecht areulich gefalle/
Was vorn am Wagen schinltz vnd gmaiz.

Dier treiff gefattete Geill man sach/
Hinden sieren dem Wagen nach.
Die die Runderfernung anbaigt/
Solichs zu schawen war genaigt.
Bawde samend arm vnd auch reich/
Ich hab es selbs beschawet gleich.
Vnd bey allen meinen tagen/
Nit gesehen schönern Wagen.

Getruckt
durch r

19burg/
Vhart.



1847

Erzherzog
Ferdinands
Leib geul.

Ich kan nit vnderwegen lan/
 Erw: Maieſtet zu haigen an.
 Gehorſam iſt ichs gern thün wil/
 Eh da anſteng das Ritterſpil.
 Hat der Erzherzog Ferdinand/
 Schöne Leibgeul da auff dem Sand.
 Laſſen tumben wunderbarlich/
 Vnder denen ich atmen ſich.
 Schön braun red ich bey mein trewen/
 Der gieng auff den vordern kneuen.
 Ain halb viertel ainr ganzen ſtund/
 Bekenne das auß meinem mund.
 Vnd auch bey meinen trewen ſag/
 Das ich vorhin all meine tag.
 Sollichſ warlich nit hab gſehen/
 Weiter müß ich auch verſehen.
 Ain Gaul jr Durchleucht thumben ließ/
 Vnd gehorſam was man in hieß.
 On Halſſtern vnd on allen Zaum/
 Ich red fürwar auß kainen traum.
 Gſehen hat es ſtrawen vnd man/
 Mit denen ichs betwenſen kan.
 Will nit das etwar ſagen ſett/
 Ich habſ jr Durchleucht zůfallen ghredt.
 Ob ich es gleich ſchreib jr zu ehin/
 Eſtrawen zimmer auch andre Herrn.
 Habend ſolliches gſehen gern/
 Iſt in auch gſchehen alln zu ehin.
 Darnach ſind Fürſten vnd auch Herrn/
 Kumen auff Ban in hohen ehin.
 Mit Nummeren vnd schöner ſier/
 Erw: Maieſtet magſ glauben mier.
 Das kain man alle ſeine tag/
 Luſtiger vor nit gſehen hab.
 Ain andern nach will ichs nennen/
 Rund Sy aber nit erkennen.
 Sy warn ſo wunderbarlich klaidt/
 So hond Sy ſchöne Maſchgen traidt.

En warn darmit so gar vermumbt/
Das ich Sy nit erkennen fundt.
Etliche wurden mir erkandt/
Wie gmelde Erzhertzog Ferdinandt.
Iz Durchleucht ist zum Erst auffzogn/
Auf gmeltem Wagen schön geschmogn.

Die ander Nummeren.

Zu dem anderen sach ich wol/
Den Erzhertzog genandt Carol.
Auffziehen so gar lustigklich/
In schöner Kladung sagen ich.
Gleich wie es die Ungern tragen/
Blawe Röck rot Hüt ich sagen.

Die dritt Nummeren.

Es ist auch Hertzog Eberhart/
Von Wirtemberg auff diser sart.
Gar frölich vnd vnbetrogen/
Gantz lustig auff die Ban zogen.
Vier Geül hat Er die warn bekleidt/
Gleich wies ain rawer Landtsknecht treidt.
Vom die Ermel hunden das Gsäs/
Vnd dem Schimpffe gantz wol gemäß.
Gantz wunderbarlich ichs ansach/
Vnd hort das mäniglichen sprach.
Vnd aigenlich darfür erkent/
Wie Sy seind zu dem Ringle ghendt.
Zwen seyend auff ainandern gessen/
Iz Kladung will ich nit vergessen.
Gel hertschnitten vnd geschmogen/
Mit rotem Tafft vnderzogen.
Drey Hürn die warn Landtsknechtlich hert/
Mit men auff die Ban gefiert.
Ain yede da ain Fellß trüg/
Darauff da saß ain Han so klüg.

Die

Die vierdt Nummeren.

Zu dem vierden sach ich zwen Baurn/
 Jugend daher on alles traurn.
 Ainer reyt der ander gieng zfuß/
 Warn frölich ichs drum loben muß.
 Ain Hackpfeffen die was ir Spil/
 Weiter ich auch anzaigen wil.

Die fünfft Nummeren.

Zwo person Weib vnd auch Man/
 Die ich da selbs gesehen han.
 Der Man in rot vnd weiß bekleidt/
 Weiß vnd braun die Frau hat antreidt.
 Die Diener hab ich bschaut mit fleiß/
 Von Seynden klaidt schwarz vnd auch weiß.
 Mit Trummeten so lustigklich/
 Weiter so muß anzaigen ich.

Die sechst Nummeren.

Dien Herrn die hab ich gsehen wol/
 Ir hier ich auch anzaigen sol.
 Von blau vnd brauner Seynden güt/
 Ganz Türckisch sach ains heden hüt.

Die sibend Nummeren.

Dien Horn die hab ich gschawet gnot/
 Ir Klaidung was weiß geel vnd rot/
 Sind mit Trummeten auffgezogn/
 Gar lustig darzu schön geschnogn.

Die acht Nummeren.

Zu dem achten so kumbt daher/
 Ain Bauren hochzeit on gefer.
 Die warn so frölich auff der Ban/
 Der Preütigam mit rennen gran.
 Ain Becher ain Gürtel hab ich bschaut/
 Das bracht Er seiner lieben Braut.

Da fiel Sy in vmb seinen halß/
Das hab ich da gesehen als.

Die neündt Nummeren.

Zum neündten sach ich selb am sachin/
Deren ich müste warlich lachn.
Ganz wunderbarlich es da was/
Ich hab gesehen das da saß.
Auff ainem Dchs ain grosser Ber/
Die Jugend mit ainandern her.
Auff der Ban da hin vnd wider/
Auch saß ain Wolff auff ain Wider.
Es warn da Jäger vnd auch Hund/
Ain lebendiger Fuchs zur fund.
Der war von den Jägern gehezt/
Vnd von den Hunden gar zerfetzt.
Es was ain lust an zü scharwen/
Müß bekennen Man vnd Fräwen.

Die zehend Nummeren.

Zwen Ziegenner oder Handen/
Hetten sich gar schön thün klandten.
Mit roter Bendin vmbwunden/
Ich sach zü denselben stunden.

Die außste Nummeren.

Ain schöne hier auff die Ban kumbt/
Eiben person die warn vermumbdt.
Mit schöner Kladung also reich/
Sahend den sibn Planeten gleich.
Ain schöne hier es warlich war/
Vnd Jugend so lustig dahar.
Ain heder in seinr aignen art/
Fleiß vnd arbeit ward da nit gspart.
An irer Kladung sach mans wol/
Daranz ichs billich loben sol.

Die zwölffte Nummeren.

Der

Der groß Bachus bleibt nit hinden/
 Ließ sich auff der Ban auch finden.
 Dahin ist Er kummen gritten/
 Auff einer Schlaupff oder Schlitten.
 Sitzende auff ainem Weinsafz/
 In weisser waht Er klaidet was.
 Ain Angster oder Trindgeschirz/
 Sechs spangen lang das glaubend mit.

Die dreyzehend Nummeren.

Erzhertzog Carl von Osterreich/
 In Steyr/ Kerndten in Graim desgleich.
 Der Edel Fürst der tugent vol/
 Sach ich lustig auffziehen wol.
 Mit schöner klaidung im gemes/
 Wie die Künigin Amalones.
 Mit zwayen Jundfrawen geziert/
 Vil Muscis mit im gefiert.
 Irer Durchleucht es nit antran/
 Ain dopel Gschirz da Sy gewan.

Die vierzehend Nummeren.

Dien Morn hab ich beschaut mit fleiß/
 Von Atlas war ir Klaidung weiß.
 Gar wol geziert vnd schön vermumbt/
 Darnach wol auf die Ban auch kumbt.

Die fünfzehend Nummeren.

Vier person kummend her gerandt/
 Die hab ich warlich nit erkandt.
 In schönen Mänteln wie ich sag/
 Hab gesehen denselben tag.

Die sechzehend Nummeren.

Sechs Morn die warn gar schön geziert/
 Gel rot vnd weiß hand Sy gefiert.
 Ir klaidung brembt mit schönem gold/
 Zum letzten ich auch nennen solt.

Die

Die sibentzehend Nummieren.

Die letzten schawet ich mit süß/
Dann Sy wären vnslätig gnüg.
Mit anderst werdend Sy gnanndt do/
Wie ich wol hort Magnifico.
Blawe paret gar groß vnd brait/
Vn heder auff sein haupt hat trait.
Die habend all gar ritterlich/
Zum Ringlin lassen brauchen sich.
Vnd gardierlichen da gerennit/
Von manchem man ward da erkannt.
Erzherzog Ferdinand auß Tyrol/
Hab sich für ander gehalten wol.
Vnd im geben den preiß so güte/
Ir Durchleichte hat aims Löwen mit.
Vnd rent gar dapffer auff der Ban/
Des ward Er globt von hederman.
Iulius Deriuo Chamberher/
Des gleichen auch erlangt hat Ehr.
Die sach die was also gethan/
Wer ir begert den müßens bstan.
Dien Rut wie gemelle zu dem Ring/
Das müßt geschehen mit geding.
Wellicher mit aim rennen wolt/
Vorhin Er da anzaitgen solt.
Wie vil Ducaten es da gult/
Vnd das freündlichen mit gedult.
Vnder fünff dorfft Er nit nennen/
Biß hinauff auff hundert rennen.
Dorfft ain heder den da gelust/
Der mocht versüchen ainem rust.
Mit Fürstlicher Durchleüchtigkeit/
Die mit aim heden was bereit.
Rennen vmb wenig oder vil/
Iulius Deriuo nennen wil.
Habend sich gar wol besunnen/
Vnd dise klainet gewunnen/

Gwinwater

Gewinnater.

Ein verguldt

Siben gulden

Ring

Nein verguldt

Becher.

Zway verguldt

Salzfäslin.

Drey verguldt

Armband.

Ein verguldt

Eschir.

Vnd

Zway weisse

Ländelin.

Sechs Silberin

Gürtel.

Vier gulden

Ketten.

Ein Silberin

Fläschen.

Drey verguldt do-

pelt Becher.

Zwen groß vergulte

Becher.

Mit Kennen da war wenig rhü/

Ein grosse welt hat gsehen zu.

Ich sach da gar ain herlich hauf/

Lustig gebatwen überauf.

Darinn lagend der Fürsten vil/

Vnd sahend zu dem Ritterspil.

Hoch vnd wolgeborne Fräwen/

Fleißiglich sy theten schawen/

Braut mit sampt dem Fräwen zimmer/

Vom volck was ain groß getümmel.

So da stündend auff der gassen/

In Heüßern lagend vnd sassen.

All Fenster Zächer lagend vol/

In allen Wincelen sach mans wol.

Ehe dann sy sich habend verzign/

So seinds hinanf in Rauchfeng gftign.

Die Zächer zerbrochen mit gewalt/

Gretüßfenster ich auch alle zalt.

Auch andre Fenster groß vnd klain/

Vnd an der zal wie ich vermain.

Siben vnd neüning vnd dreyhundert/

Mäniglich sich des verwundert.

So red ich mit der warhait das/

Ja das in ain durchs ander was.

Acht

Acht personen das wais ich wol/
 Wann mans dann zamen rechnen sol.
 So triffis an vil tausent person/
 Was stünd erst vnden auff dem plon.
 So gar ain solche grosse welt/
 Von mir bleibe Sy wol ungezelt.
 Ewer Maicstet der zaig ich an/
 Das vngfarlich sechs tausent man.
 Die da seind auff dhochezent kummen/
 Hab im nachgfragt vnd vernommen.
 Mit Fürsten Grauen Freyen herin/
 Die alls and seind kummen zu ehn.
 Dem hochgedachten Fürsten reich/
 Dem Preütgam vnd der Braut gleich.
 Ain groß volck es dann vordin hatt/
 Zu München in der gnampten Statt.
 Noch ist jr all nit geresen gniß/
 Dieffend auch einher auß dem pflüg.
 Ab dem Land gar ain grosse Sum/
 Ja wann ich leüß sey ich nit frum.
 Sy hand amanderen getruckt/
 Das manchem ist der Alt verückt.
 Es war ain trucken vnd ain treng/
 Die Ban die ward zu leist noch zeng.
 Von mánigflich des volcks so vil/
 Da nun das ehlich Ritterspil.
 Auff den abent hat gnummen end/
 Da ist das volck verlauffen bhend.
 Es zügend auch die werden Gest/
 Widerumb in die Newe Best.
 Auff Wägnen warn gar schön gziert/
 Hat man das Frastren jimmer gfiert.
 Vnd darnach in dem schönen Sal/
 Gleich wie zuuor ain Fürstlich mal.
 War so lustig vnd schön beraut/
 Wie ich dann vor hab angezaigt.
 Deshalb ichs hetz will bleiben lan/
 Am Nitwoch hüß man wider an.

Ain

Ein schönen Thurnier da zu süß/
 Ich kam nit für in pressen müß.
 Es kam auff die Ban gezogen/
 Ganz frölich vnd unbetrogen.
 Herrzog Ferdinand ich nennen sol/
 Selb vierdt hab ich gesehen wol.
 Graf Carl der jung von hohen Zorn/
 Erhart von Muckenthal geborn.
 Der dritt ist mir auch wol erkandt/
 Hans von Regensperg ist Er gnandt.
 Ich preiß die Herren alle vier/
 Dann Sy kummend in schöner tier.
 Ir Klaidung von Gold geschmogen/
 Vnd mit Silber vnderzogen.
 Zehen Batrinen sach ich wol/
 Ir Namen ich auch nennen sol.

Graf	} von	Löwenstain.
Graf		Schwarzenberg.
Graf Hieronymus		Nagrol.
Herr Caspar		Wolckenstein.
Vett Erbmarshalck		Bappenhaim.
Herr Adam		Neydeckh.
Marquart		Stain.
Hans Georg		Egendorff.
Clement Münch		Münchenaw.
Völkher		Freyberg.

3

Zu dem dritten vnuerdressen/
 Kamend iren fünff auff Kessen.
 Die warn beklaidt Bäurischer art/
 Von Hosen Röck haar vnd auch bart.
 Sy seind mit Pseffen vnd Trummen/
 War frölich auff die Ban kummen.

4

Zu dem vierdten sach ich kummen/
 Auch mit Pseffen vnd mit Trummen.
 Zwellff

Zwelff Galliothn warn angethon/
Znn langen Röcken von Seiden schon.
Von brauner farb ich schawt Sy gnüg/
Ain schönes Ruder neder trüg.

5
Zu dem fünfften hab ich gsehen/
Ain schönen lufft müß ich sehen.
Von Berckhe nappen ja da zumal/
Zr acht vnd zwainzig inn der zal.
Ach zehen die trügen so güt/
Ain neder inn seinr hand ain Hüt.
Genandt ain Helm mit schöner tier/
Die selben gniht wol zum Thurnier.
Die zehen trügend Bieckel güt/
Zugend daher mit frehem müe.
Ain Berg habn Sy vnbetrogen/
Vor in her auff die Ban geschoben.
Es ist in gar wol gelungen/
Zim berg haben Sy gesungen.
Berckfrayen also lustiglich/
Das es sehr hat verwundert mich.
Ich hort in zu geschach als mit süß/
Ain Feder auch ain neder trüg.
Wie die Erckhe nappen hindenab/

6
Zu dem sechsten ich gsehen hab.
Zu süß jr zwelff mit gankem fleiß/
Kurze röcklin warn schwarz vnd weiß.
Trügen Sy vnderhalb der mit/
Als nach des süß Thurnierens sit.

7
Zum sibenden so sah ich wol/
Vier Muscis ich sagen sol.
Von Gold vnd weißem Tasset klaidt/
Darnach jr vier gar schön beraidt.
Von Gold Silber vnd Tasset rain/
Vnd mir bekandt als ich vermain.

Herr

Herr Jerg von Fronsperg wol erkandt/
 Herr Jerg von Hengenberg genandt/
 Ain wolgeborner Herr von Bern/
 Ludwig von Velf den sach ich gern.
 Dife vier Herrn gar wol geziert/
 Die habend auff die Ban gefiert.
 Hertzog Wilhelm so hoch geborn/
 Ain Graff von Löwenstain on zorn.
 Ey warn geziert gar lobensan/
 Von Gold vnd Silber angethan.

8.

Zu dem letzten da sach ich frey/
 So gar ain schöne Nummieren.
 Zwelff Pfenffer vnd müß reden das/
 Nit aine wie die ander was.
 Auß der Music Sy da pfiffen/
 Wie die Hirten Sy herliffen.
 Mit Gaiffheliten warn Sy beklaidt/
 Mit grünem Ephew wol beraidt.
 Es sach lustig müß ich sehen/
 Meintag hab ichs nit vil gsehen.
 Vnd bin mehr gewesen beim Thurnier/
 Ich hett mein selbs vergessen schier.
 An solchen seltsamen dingen/
 Wer kans in die Federn bringen.
 Was heit vnd gestern auff der Ban/
 In Nummieren hat sehen lan.
 Im selben hüb man an Thurnieren/
 Neder sein Ritterschafft probiern.
 Mit dem Spieß vnd auch mit dem Schwert/
 Ward ainer von dem andern gwert.
 Wie es zu solchen sachen hört/
 Vnd auch der Ritterschafft gebört.
 Wie der Thurnier hat gnummen rhu/
 Doch nederman der Herberg zu.

D

Thurnier


Thurnier

Im Thurnier
Sich warh
Wie sich wol
Den alle



die Blawken.

Herzog Carol/
hat gehalten wol.
mit dem jungen Fürsten
nach Ehre dürst.



Am Donnerstag on allen zorn/
 Kam Erzhertzog Carl hochgeborn.
 Fürstlich nach Thurnierens sitten/
 Im verguldeten Küris ghytten.
 Mit jr Durchleucht so wol gemüt/
 Rittend zwen Edel Ritter güt.
 Seind Nammendorffer gewesen/
 Von jr Durchleucht außerslesen.
 Es ist Erzhertzog Ferdinandt/
 Vnd Hertzog Wilhelm wol erkandt.
 Des Durchleuchtigen Fürsten Herrn/
 Wappnmaister gwest inn hohen ehren.
 Hernach so seind kummen ghytten/
 Schön nach ritterlichem sitten.
 Vierzehen Parthey sach ich wol/
 So ich die warhait sagen sol.
 Ir klaidung was so schön vnd reich/
 Vnd kaimeder anderen gleich.
 Ich sach ain Junckfraw wol gethan/
 Auff ainem zarten Gaul gar schon.
 An ain guldin Kett gebunden/
 Hat Sy ain Ritter zun stunden.
 An irer hand auff d'Van gefiert/
 In ainem Küris schön geziert.
 Das hat gesehen mancher man/
 Darnach hüb man Thurnieren an.
 Erzhertzog Carl zu Osterreich/
 Ir Durchleucht Gspan desselben gleich.
 Die habend sich gehalten wol/
 Für ander ich Sy loben sol.
 Dann Sy jr Spieß hond eben gfiert/
 Vnd da ganz ritterlich Thurniert.
 Ich acht das auff denselben tag/
 Zwan hundert Spieß wie ich hie sag.
 Wurden

Wurdend zerbrochen ward erkandt/
 So Kitterlichen ward da gmandt.
 Den Freytag hat man rhüwig glan/
 Vnd kain Thurnier nit gfangen an.
 Aber so gar ain lustig spil/
 Das ich auch hie anzaigen wil.
 Betraff den Sampson vnd sein macht/
 Die Philister mit irem pracht.
 Es war lustig da zusehen/
 Ist durch d Jesuwitter gsehen.
 Gar ordenlich vnd auch so fein/
 Die Sprüch geredt inn güt Latein.
 Abents ain schöne Abentheür/
 Gar hielich hat man gworffen fetür.
 Gar hielich war all ding bereidt/
 Wer gsehen hat das es in freidt.
 Das aber nit ward als volendt/
 Das hatt warlich das wetter gwendt.


X Thurnier

Der
An
Für d
Re
Ich be
Bo



hürnter im Kübelstechen.

Rainlinger bin ich genandt/
dieser Ban gar wol erkandt.
Euch Schwein auff dem Kübel/
daher fürcht mir nit übel.
Hie mit diser Stangen/
männiglich danck zurlangen.



Am Samstag haben an die frecht/
 Gar ritte lich im Rübel stechn.
 En jugend her wol auff die Ban/
 Vnd hetten selzam klaiden an.
 Gebunden Rübel auff dem haupt/
 Ich hab's gsehen hets sonst nit glaube.
 Red ich das auff die trewe mein/
 Von rechter vngestalt was sein.
 Gar selzam thein Sy sich muosen/
 Wie die rechten Fastnacht buosen.
 Ire Ross waren on geferd/
 Ains wie ich acht zwelff Schilling werdt.
 Lieffen wie die gespannen Hasen/
 Inn dem Winter auff dem wasen.
 Kein Gurt war an kein Sattel nit/
 Ich dacht ist das ain newer sitt.
 Wann ich mein Ross hab gürtet hart/
 So geschicht es mir auff mancher fart.
 Das ich dar auff kan bleiben nit/
 Vnd so ich erst on gürtet ritt.
 So wurd ich sein auch Ritters gnoss/
 Auff dem boden vnder dem Ross.
 Wie es dann denen wirt gsehen/
 Leb ich so lang will ichs sehen.
 Trummerten bließ man mit namen/
 Rübelstecher rittend zamen.
 Walt Sy Got che ichs wort aussprach/
 Vnder den Rossen ich Sy sach.
 Des Schimpffs müßt ich warlich lachen/
 Geht laßt Gürt and Sattel machen.
 Sy folgten mir in keiner moß/
 Laytend Sy wider auff die Ross.
 Theten wider zamen rechten/
 Zielends ab zu beiden seiten.
 Des lachend Fürsten Grauen Herin/
 Gesiel in wol Sy sahens gern.
 Ain steng auff der ander fiel ab/
 Das tribens nach ain halben tag.

Ich

Ich sach ain auff ain weissen Ross/
 Der siel nit manchen es verdross.
 Dien Fuchschwenz fñrt Er auff dem Rñbl/
 Er gwan den danc gñel im nit übl.
 Der Keynlinger ward Er mir gnandt/
 Nit anders ist Er mir erkandt.
 Darnach so nam der Schimpff ain end/
 Trummeten bliß man auff gar bhend.
 Vnd zoch mñniglich haim zñ hauss/
 Da ain neder was zogen auß.
 Am abent was ain Fuß thurnier/
 Des hett ich hie vergessen schier.
 Gar lustig in der Neuen Vest/
 Geschach wol durch die werden Vest.
 Am Montag hort man Gottes wort/
 Darnach so wolt man Giechen fort.
 So hat das Wetter sollichs gwende/
 Das es den tag nit ward vollende.
 Darnach am Montag istis geschehn/
 Zoch Herzog Wilhelm müß ich sehn.
 Gar Fürstlichen wol auff die Ban/
 Vnd ward gelobt von nederman.
 Nit sampt ain Herren Hochgeborn/
 Graf Carl der jung von hohen Zorn.
 Vnd auch Ehart von Muckenthal/
 Dann jr warn dieß dasselbig mal.
 Gar schön gehiert ich sagen sol/
 Vier schön Panier die sach ich wol.
 Der Herrn vier fñren auff Rossen/
 Ich will auch hie vnuerdrossen.
 Sy bey irem Namen nennen/
 Dann ich Sy all vier wol kennen.

Graf Albrecht

Herr Georg

Herr Georg

Caspar Preüner Freyherr.

} von

{ Eulz.

{ Fronspurg.

{ Nengenbergr.

S Thurnier

Thurnie

Herzog Wilhelm
Am jungen
Hielt sich im T
Derhalb ich



im Freysfechen.

der Pflüggam güt/
hat Lön en müt.
wie Rittersch/
den pnyß vergich.



Diner ist Durchleucht mit hat gfiert/
 In roten Charmasin geziert.
 Ein geel vnd weissen Zwenfelftrick/
 Es war ain lust der es anblickt.
 Desgleich waren auch Pferd belaidet/
 Die farben von Sammat traide.
 Ritt-lichen hat man gestochen/
 Schwert zerschlagen Spietz zerbrochen.
 Herzog Wilhelm vnd sein verwandt/
 Gutwillig man sich allsant sandt.
 Hat ainer lust zerbrechen Spietz/
 Ain heder sich gern finden ließ.
 Es wer im Spietz oder im Schwert/
 Wies ain heder von in begert.
 Die Herren waren jung vnd ring/
 Got wöll das men weytter gling.
 Das in kama laid nit widerfar/
 Got dir beuillich ichs dus betwar.
 Durch deinen trill vnd Göttlich gnad/
 Das in der feind nit bunge schad.
 Wie der Thurnier ain end gnummen/
 Bließ man auff vnd schlug d'Hertrummen.
 Das hat mir wärllich wol gefalli/
 Aber vnder den Thurniern alli.
 Ward kain so Ritterlich erkent.
 Als der so man hat scharpff gernet.

Thurnier

Thurnier

Thurnier in

Dise zwen Ritter
Nach Ritters
Vnd Scharpf g
Darumb in p



Scharffrennen.

außervöllt/
acht Sy bed hand gßöllt.
rennt wie sich geb. r/
ß zu gesprochen wart.



Da hab ich gesehen warlich vier/
 Auff der Ban mit gar schöner hier.
 Ir Namen ward mir angezaigt/
 Darumb ich hie auch bin genaigt.
 Ewer Maistet Sy hie zu nennen/
 Vnd Sy geben zu erkennen.
 Von iren Ritterlicher that/
 Die ain yeder begangen hat.
 Auff der Ban wie dann sich gebürt/
 Zun zeyten Lachen sehr theür würt.
 Ain yeder hat nach ehm ghyendt/
 Das ward von mänigklich erkendt.
 Die zwen ersten ritten damen/
 Des sich kainer nit darff schainen.
 Ir Spieß hand Sy gar eben gsürt/
 Vnd bed ainandern darmit ghyürt.
 Das Roß vnd Man siel auff die Ban/
 Sollich ich selbs gesehen han.
 Von disen zwahen Rittern werdt/
 Ward ainer von dem andern gwerdt.
 Ir Namen nenn ich billich zwär/
 Kainer sich des nit schämen dar.
 Hainrich Böckher von Freyberg blandt/
 Nicodemus der ander gmandt.
 Von Wemboling ich hie sagen sol/
 Die Riter hand sich ghalten wol.
 Noch seind ir zwen zusamen ghritten/
 Als nach des Scharpff Turniers sitten.
 Hans Zerg Esendorffer so güt/
 Sigmund Eysenreich wol gemüt.
 Rittend zusamen ritterlich/
 Hans Zerg Esendorffer sag ich.
 Desgleichen Sigmund Eysenreich/
 Der salt auch nit desselben gleich.
 Das die Harnisch laut erklingen/
 Wie die Roß zu samen sprungen.
 Ward Hans Zerg Esendorffer der Heldt/
 Von Sigmund Eysenreichen gsellt.
 Wie wol

Wievol Sy bed hand troffen eben/
 Ward im dißmal der danck geben.
 Ich lob die Helden baide sandt/
 Dañ Sy hand dapffer zamen ghrandt.
 Das hat mánigflichen erkendt/
 Wie ich dann hab vorhin genendt.
 Deßgleich so man im Krönlich stach/
 Daes ganz Ritterlichen sach.

V Thurnier

Der junge
Am Hof
Auff meinen
Ir lieb m



erster im Krönlin.

thafft bin ich gnandt/
Bayern wol erkandt.
Helm für ich die zart/
he das ich sighafft wart.



Dann da wirt manchem almen stoß/
 Das Er sy ain halb jar ist gnoß.
 Vnd solt doch als sein nur ain scherz/
 Zu solchem Schimpff gehört ain herz.
 Dann warlich ain verzagter Man/
 Soll sich der sachen nit nemen an.
 Dann Er muß sein leib vnd leben/
 Im Thurnier sich gar verwezen.
 So die Roß zusamen sprungen/
 Das man hört die Harnisch klingen.
 Wie es dann geschicht etlich mal/
 Das ainer mit ain solchen fal.
 Schertz im leib möcht ain zerbrechen/
 Mich lust nit ins Krönlin strecken.
 Vnd ob ich sy genos gleich wer/
 Dann da ist warlich grosse gfer.
 Wie ich dann selbs gesehen hab/
 Gleich auff den mornigen tag.
 Das Sy zusamen rittend dann/
 Zu boden fiel offte Roß vnd Mann.
 Es was kain scherz nach mein beduncken/
 Mancher da fiel das Er hat ghuncken.
 Ab solchem rauhen nider sitzn/
 So hat mancher ansehen schreyn.
 Wiewol es zur zeit was nit haß/
 Hat es im außtriben den schwaß.
 Ainer dem andern ließ kain rhü/
 Es was wol lustig sehen zu.
 Aber Rennen das waß ich nit/
 An Fürsten höfen ist es sit.
 Ritterlich ist es zügangen/
 Ob jr gleich etlich empfangen.
 Habend vülleicht ain twengsch aden/
 Dañ wer sich Thurnierns will bladen.
 Der muß sein warlich achten nit/
 Die Kirchweyh solchen Ablass gitt.
 Wol nezunder zu diser frist/
 Nit sunder schaden gsehen ist.

Denn

Denn ainem jungen Edelman/
 Sein lob ich nit dahinden lan.
 Dann Er hat sich gehalten wol/
 Das ich in billich priesen sol.
 Got geb im glück dem jungen Helden/
 Dann Er hat jr da etlich gellt.
 Von iren Pferden auff die Ban/
 Ich lob den jungen Kesslers man/
 Wie man ist zogen wider ab/
 Da merckt ich auff ains Herren sag.
 Er sprach nun rent auß thor hinan/
 Zeigt an den preiß auff diser Ban.
 Der junge Held gehorsam vor/
 Vnd rent gar dapffer an das Thor.
 Das fallen müßt da Roß vnd Man/
 Ain wenig schaden thet Er empfan.
 Der Harnsch truckt im ain finger ab/
 Des Er nit acht ich gsehen hab.
 Ain junger Nothafft wol erlandet/
 Georg also ist Er genandt.

Graf
 Hainrich Bölcker
 Nicodemus
 Joachim
 Hans Zerg
 Sigmund Eysenreich
 Wilhelm Mayr
 Zerg Mayrhoser
 N. Kumminger
 Friderich Rosenbusch
 Bernhart Hoser
 Dithmar
 Hauptman Fintel

von

Schwarzenberg.
 Freyberg.
 Wembding.
 Sirgenstam.
 Esendorff.
 N.

Kumminger.
 Eysing.
 Bisar.
 Senen.

Das ist der Adel hoch ernandt/
 Der da im Krönlin hat gerandt.
 Mehr seind mir hez nit angezaigt/
 Zuschreiben wer ichs sunst auch gnaigt.
 X Darnach

Darnach ist man ehüwig bliben/
 Vnd sunst andre kurzweil triben.
 Biß auff den Sontag gleich hernoch/
 Auß die Van man widerumb zoch.
 Des hochgnandten Fürsten Hofgind/
 Ewr Maiestet ghorfam verkünd.
 Das da ward ritterlich gerendt/
 Mit dem Krönlín wie man es nendt.
 Habben allen meinen tagen/
 Vil höm von Thurnieren sagen.
 Vnd auch gar offte selber gsehen/
 Bücher glesen müß ich sehen.
 Bey meinen trewen ich das sag/
 Das ich nit hab so manchen tag.
 Thurnieren sehen auff ain zeit/
 Wiewol man offte groß Bücher schreibt.
 Von solchen Ritterlichu gschichten/
 So hab ich auch müssen dichten.
 Dise Vers vnd nit lan bleiben/
 Ain ändere wirts gbrecht best schreiben.
 Denn ich der sachen bin zú schlecht/
 Der Poeterey nur ain knecht.
 Denn ich müß hie bekennen fray/
 Ja on alle Fuchschwent erey.
 Den Thurnier wie er ist triben/
 Wurde in ain Chronick gschriben.
 Mit sampt der Fürstlichen hochzeit/
 Wie gwesen sey all ding bereit.
 Denn es mir nit wol mützlich ist/
 In ainer solchen kurzen frist.
 Alß and in die Federn bringen/
 Es ist güt redn von den dingen.
 So aber Er kain grund nit hott/
 So wirt Er zletzt darob zú spott.
 Wie mir dann auch möcht geschehen/
 Alß hab ichs nit können sehen.
 Ich hab wol fleißig nachhin gfragt/
 Ain yeder hat mit mir gesagt.

Dann

Dann was Er hat gesehen wol/
 Nit weiter Er auch reden sol.
 Er habes dann von Ehm leiten/
 Darff dannocht fehlen im bezeugen.
 Derhalb hab ich mich verzigen/
 Vnd dest weniger geschriben.
 Ist besser zwenig denn zuvil/
 Denn ich es nit vernainen wil.
 Das der Thurnier nit bassen zielt/
 Denn ich hab in Reymen gefiert.
 Von klaidung farben mancher hand/
 Das ichs nit nennen kan allsand.
 So hab ich doch mein best gethon/
 Nit künden vnderwegen lon.
 Vnd ia mir selbs nit künden wern/
 Dem Hochgemelten Fürsten zehm.
 Auch Herzog Wilhelm gegenhafft/
 Vnd aller irer Ritterschafft.
 Der etlich mir seind wol erkandt/
 Ich nennen Herzog Wilhelm shandt.
 Der hiele sich auff der Ban so wol/
 Seiner ich nit vergessen sol.
 Er hat gar Ritterlich gerennt/
 Derhalb ward im ain danck erkennt.
 Herzog Ferdinand desgleich/
 Wilhelm Mayer vnd Eysenreich/
 Ain von Rummingen wais ich wol/
 Darumb ich in hie nennen sol.
 Hainrich von Freyberg wol gemüt
 Vnd ir sunst mer vom Adel güt.
 Die ich warlichen hie nicht fern/
 Ist die vsach das ichs nit nenn.
 Grauen Herren Ritter zu hand/
 Die da waren auß dem Bairland.
 Zwen Grauen wurden mir erkandt/
 Von Ottingen warn sy genandt.
 Die wolgebornen Herren reich/
 Wilhelmus vnd auch Fridereich.

Bayrischer
 Adel.

Ir zwen von Ditzenburg ich nenn/
 Dann ich die Grauen bald wol kenn.
 Jochim und Ulrich seind Sy gnandt/
 Auch Graf Abundus Schlick erkandt.
 Ir gnad han ich gesehen gern/
 Desgleichen Herr Wilhelm von Bern.
 Wolff Wilhelmus von Náchselrain/
 Pflieger zu Scherding als ich main.
 Freyherr zu Waldeck wol gedacht/
 Der Braut Mutter hat Er auch bracht.
 Auß Puttringen wie dan gebiert/
 Vnd Sy gar hingen Thachaw gfiert.
 Wolff Dietrich ich auch hie vermain/
 Freyherr zu Waldeck vnd Náchselrain.
 Graf von Löwenstein nenn ich gleich/
 Am Gsandter girecht in Osterreich.
 Ewr Durchleuchtigste Maiesiet/
 Auff die Hochzeit geladen het.
 Doctor Augustin Baumgartner schon/
 Der da für in die red hat thon.
 Herr Diserus gar wol erkandt/
 Freyherr von Fronhofen genandt.
 Auch Herr Zerg Dering desgleich/
 Herr Hans Zenger ain Ritter reich.
 Der da allzeit wol handlen thut/
 Vnd ist auch Vitzthumb zu Landts hüt.
 Herr Zerg von Hegenberg Ritter ist/
 Statthalter Zingolstatt zur frist.
 Herr Hans nenn ich so wol gemüt/
 Von Gumpenberg ain Ritter güt.
 Herr Wigleus zu diser frist/
 Hauptman Er zu Burekhausen ist.
 Herr Jacob vom Thurn kenn ich wol/
 Herr Adolff von Sandizell wol.
 Herr Enfrid von Zilhart ich sag/
 Ist da gewesen one flag.
 Noch zwen Herren sach ich geleich/
 Bed des hailigen Römischen Reich.
 ErbRitter

ErbRitter hab ich gesehen wol/
 Darumb ichs auch hie nennen sol.
 Peter vnd Hans Christoff genandt/
 Von Frauberg vnd darbey erkandt.
 Hans Zerg von Priesing wol genait/
 Ain Edler Herr vnd Ritter gait.
 Wigelus von Weichs nennen ich/
 Beyt von Bappenham ich auch sprich.
 Erb Marschalek Thailgen Römischu Reich/
 Nenn Hans Jacob von Rosen gleich.
 Dann Er hezund zu diser frist/
 Zu Wittendorff ain Pfleger ist.
 Hans Christoff von Laiming ich sach/
 Moritz vnd auch Zerg von Korbach.
 Hans Gaspar von Benzenaw wol/
 Christoff desgleich ich nennen sol.
 Hofmaister zu Freysing ich main/
 Vnd auch Artolf von Schwarzenstein.
 Carol von Freyberg wol gethon/
 Zerg Enderis von Mürach schon.
 Burckhart von Thannberg also ring/
 Auch Duoserus von Priesing.
 Zu Wasserburg Er Pfleger ist/
 Wilhelm von Brantenbach zur frist.
 Christoff von Rittscher wol erkandt/
 Christoff von Berg ist auch genandt.
 Hans vnd Marquart bede vom Stain/
 Hans Zerg von Dachsberg ich auch main.
 Hans Zerg von Rusdorff wart nit lang/
 Desgleichen Rudolff von Haslang.
 Also ist sein Namen genandt/
 Pfleger zu Abensperg erkandt.
 Ich nenn Hans Zerg von Luttenaw/
 Hans Hainrich Nothafft ich auch schaw.
 Hans Christoff von Münchaw ich kenn/
 Pfleger zu Deckendorff in nenn.
 Hans Gilg von Münchenaw ich sach/
 Ist auch am Pfleger zu Dießbach.

Ich nenn Ulrich von Vittenma/
 Zu Leonsperg ain Pfleger da.
 Christoff Camer ich nennen sol/
 Pfleger zu Pfaffenhofen wol/
 Pfleger zu Freyberg auch erkandt/
 Darumb ich in auch hie hab gnendt.
 Vnd auch Nicolaus von Wartenstett/
 Adam von Nendek nennen sett.
 Hans Adam gnandt von Muckenthal/
 Ludwig von Bernhausen in der zal.
 Seyfrid genandt von Leibelfing/
 Vnd auch Hans Albrecht von Pichsing
 Benedict von Biring genandt/
 Pfleger zu Braunen vnd erkandt.
 Hans Friderich von Benzenaw/
 Hans Cunrat ich in Ehren schaw.
 Christoff von Kendorff nenn ich wol/
 Hans Sigmund von Münchenaw sol.
 Noch drey nennen von Muckenthal/
 Dann ir warn vier da in der zal.
 Hans Christoff Wolff Heinrich ich nenn/
 Hans Heinrich den ich auch wol kenn.
 Anthoni von Seyboldsdorff nenn/
 Bisachen das ich in wol kenn.
 Wolff Haymeran von Schmaichen güt/
 Wolff Frank Gabriel Busch gemüt.
 Nenn Hans Adam von Marolting
 Gott wöll das im allzeit geling.
 Christoff Xheyndorffer nennen sat/
 Pfleger zu Cölenhaim vnd Xhat.
 Victor von Seyboldsdorff zur frist/
 Pfleger zu Schrobenshausen ist.
 Pfleger von Maindorff kenn ich wol/
 Jerg Alver ich in nennen sol.
 Pfleger zu Abach wol erkandt/
 Bernhart Stügelhamer genandt.
 Adam Dering vnd Hans Seyfridt/
 Appoteck Doctor ich nenn mit.

Wolff

Wolff von Asch ist Forstmaister güt/
 Wie ich vernommen zu Landtschüt,
 Ofenhaimer auch desgleich/
 Ott Hainrich von Parsberg sag eich.
 Hans Sigmund von Parsberg bekandt/
 Casarus von Sigelsdorff gnandt.
 Vnd sunst auch vil ander Herrn reich/
 Ja die so nit kan nennen eich.
 Wievol Sy seind von Edelm Stam/
 So waiss ich warlich nit jr Nam.
 Wievol ich gfragt hab in der Statt/
 Niemandt mich vnderwissen hatt.
 Wievol ich oft hab betten drum/
 Vnd Sy gern gewist in ainer Sum.
 So mocht es mir nit widerfarn/
 Ich bitt all Herren die da warn.
 Vmb verzeyhung hie dises mol/
 Das ich Euch all nit nennen sol.
 Es thut mich selber verdriessen/
 Ich wißt Ewer besser zgniessen.
 Wedoch so bitt ich also schon/
 Ir wölt michs nit entgelten lon.
 Dann es ist warlich nit mein will/
 Denn wa ichs wißt schwig ich nit still.
 Noch etlich Herrn müß ich nennen/
 Am Hof hab ichs glernt kennen.
 Den Landhoffmaister tugentreich/
 Den Marschalek auch desßelben gleich.
 Ir Nam vnd Stam hab ich vor gneadt/
 Fürstlicher Sankler wol erkendt.
 N. ist er genandt/
 Noch ain Herr ward mir auch erkandt.
 Herr Wilhelm Lösch so nennet man in.
 Ist Hofmaister der Herkogin.
 Vnd handelt wol in allen eyn/
 Ich nenne noch ain feinen Herren
 Bernhart Dichtel zu diser frist/
 Fürstlicher gnad Kuchenmaister ist.

Nich

Mich wundert sehr in solchen dingn/
 Wie Er es als zu wegen bringn.
 Habe künden vnd vernichten/
 Sollich Fürstlich herlich geschich:en.
 Wie ich dann da gesehen hab/
 Vnd vorhin nit ja all mein tag.
 So mancherlan Richte die ich nit fandt/
 Vnd bin durchrauffet manich land.
 Gern wolt ich wissen da die zal/
 Die man aufftrüg ain ainig mal.
 Ich hers gern zelt bey mein trewen/
 Es kündt nit sein thut mich rewen.
 Ich habß geschänt da on gefarn/
 Ob dreyhundert Richte es da warin.
 Auff ain mal da auffgetragen/
 Von Scharß Essen müß ich sagen.
 Ain Pasteten ward da gebacht/
 Ain lebendigen Zwerg drey gmacht.
 Inn ain Kürß muß ich sagen/
 Hmauff für die Fürsten tragen.
 Wie man Sy nun hat auffgethon/
 Hat sich der Zwerg wol sehen lon.
 Ganz mundter frölich gmund vnd frisch/
 Auß der Pasteten auff den Tisch.
 Gegangen vnd mit Reuerenz/
 Sich gegen allen Fürsten bhentz.
 Erzäigt wie sich dann hat gebirt/
 Wiewol mans gleich nit glauben wirt.
 Da leyt mir warlich wenig an/
 Dann ich es wol beweysen kan.
 Darmit man mich besser verstand/
 So hat in Erzhertzog Ferdinand.
 Mit jr Durchleucht bracht auß Tyrol/
 Weyter hab ich gesehen wol.
 Sch. wEssen die man auff hat treyt/
 Die wunderbarlich waren bhrent.
 Pfawen gleich als ob sy flugen/
 Wana sy mich acht nit betrugten.

Ich

Ich sach auch Löwen Hirschen Hasen/
 Gleich lieffens auff grünem wasen.
 Desgleichen ander sachen vil/
 Ain Schloß ich auch anzaigen wil.
 Von Büchsen Reütern vñ Landtsknecht/
 Hauptleüt vnd Fendrich sach ich recht.
 Von gutem Zucker alles gmacht/
 Bey mir selber ich da gedacht.
 Stierende es in ainr Bübenschül/
 In der mitte auff ainem stül.
 Vnd in zu stirmen wurd erlaubt/
 Ain yeden liesse was Er raubt.
 Wie wurd dem Schloß so übel gehn/
 Die Kriegsleüt bliben nit lang stehn.
 Die Büchsen vnd auch die Hauptleüt/
 Wurden wern gar ain klaine zent.
 Aber bey disen grossen Herrn/
 Haben Sy sich da güt zu weern.
 Bisach es griff Sy niemant an/
 Des mögend Sy dest lenger bstan.
 Vil ander sachen müß ich jehn/
 Solt ich schreiben was ich hab gsehn.
 Wie alle ding gerüstet wer/
 Es wurd mir warlich vil zu schwer.
 Dann ich mag bey der warhait jehn/
 Da ist worden nicht übersehn.
 All ding ward ordenlich betracht/
 Es wer bey tag oder bey nacht.
 So schöne feür auß der massen/
 Gaben liecht in allen gassen.
 Man sach so wol ja ich das sag/
 Als wer es giesen liechter tag.
 Darmit wider für niemands laid/
 Vnd manigflich geb gütten bschaid.
 Wie es dann auch ist geschehen/
 Ich mag nit der warhait jehen.
 Das ich kain arges böses wort/
 Von kaimem menschen hab gehort.

Alle

Alle Auffrühr die sich zu trügen/
 Ich sach zwen böse Schüler büßn.
 Ainander ombziehen beyim har/
 Der größte auffrühr der da war.
 Warendisc zwen müß ich sehen/
 Dann ich nit mehr hab gesehen.
 Vndem will ichs beleiben lon/
 Ich wünsch Preütgam vnd Braut gar schon.
 Vnd auch jr beden freündtschafft zwar/
 Ain New glückhafftig sälligs Jar.

Hainrich Wirre von Arato geborn/
 Kaiserlich Maistet gelobt vnd gschworn.
 Hat dise Vers ganz gehorsamlich/
 Den Durchleüchtigsten Fürsten reich.
 Auß Bayern zu hohen ehren gedicht/
 Vnd mánigflich darmit vndericht.
 Der Chrißlichen Fürstlichen Hochzeit/
 Got durch sein güt vnd barmhertzigkeit.
 Wöll in geben frid vnd glück darzu/
 Darmit Oh mögen in freud vnd rhu.
 All wonen ja in diser zeit/
 Vnd bñhen die ewig sälligkeit.




Philipp Vlhart ist Er genandt/
Die Truckerey im wol erkandt.
Die Er von seim Vatter hat gleret/
Dem dises Wappen zu gehert.



Getruckt in der Kaiserlichen Reichs Statt
Augsburg/durch Philipp Vlhart/
inn der Kirchgassen/bey
Sant Ulrich.

Anno
M. D. LXVIII.



2834-608

2834-608

22 leaves, 1 double-page woodcut plate,
55 ff. (fol. 37 misbound before 31; large fold-
plate bound before fol. 38 which is mis-
numbered 36, and unnumbered double-page
plate with text in block inserted after fol.
48), 1 leaf
q^u. m.

5104
LHZ

